



新刊監本冊府元龜卷之六百二十五

卿監部

邪佞

貪冒

廢黜

邪佞

易著閑邪之言傳重遠佞之戒况夫職象河海任重股肱因宜
悉其聰明好是正直若乃阿諛靡媿巧令是圖蒐慝庸回廢忠
毀信行媚以希於上指獻賕以悅於邇臣增宮禁之素規亂禮
樂之舊物用速官謗或煩刑書於戲先生所以難任人者以其
是夫

漢張湯武帝時為廷尉帝意所欲罪與監吏深刻者即帝意所
釋與監吏輕平者

杜周武帝時為廷尉其治大抵放張湯放依也音南徃切而善候伺觀望

天子帝所欲擠者因而陷之擠墜也音濟帝所欲釋久繫待問而微

見其冤狀也見顯也

後漢馮石為衛尉能取悅當世為安帝所寵

晉石崇為衛尉與潘岳諂事賈謐與之親善號曰二十四友為

廣城君賈右母每出崇降車路左望塵而拜其卑佞如此

宋王遠為光祿勳世為之語曰王遠如屏風屈曲從俗能蔽風

露

後魏王遇為將作大匠時大傳錄尚書北海王祥親尊權重遇

多隨詳所欲而給之後因公事司空長史于忠於詳前謂遇曰

殿下國之周公阿衡王室所須財用自應關旨何阿諛附勢損

公惠私遇既不寧祥亦慙謝

李世哲為鴻臚少卿性傾巧善事人亦以賂貨自遠高聲劉騰

之處世也皆與親善故世號為李錐

隋袁充為太史令時高祖將廢皇太子正窮治東宮官屬充見

帝雅信符應因希旨進曰比觀玄象皇太子當廢帝然之煬帝

即位之後熒惑守太微者數旬于時繕治室宮征徭繁重充上

表稱陛下脩德熒惑退舍百寮畢賀帝大喜前後賞賜將萬計

時軍國多務充候帝意欲有所為便奏稱天文見象須有改作

以是取媚於帝累遷秘書少監其後天下亂帝初罹鴈門之厄

又盜賊以起帝心不自安充復假託天文上表陳嘉瑞以媚於

帝曰臣聞皇天輔德皇天福謙七政斯齊三辰告應伏惟陛下

握鴻圖而馭黔首提萬善而化八紘以百姓爲心匪以一人受
慶先天罔違所欲後天必奉其時是以初膺曆正當上元之紀
乾之初九又與本命符會斯則聖人冥契故能動合天經謹按
去年已來玄象星瑞毫釐無爽謹錄元異上天降祥破突厥等
狀七事其一去八月二十八日夜大流星如斗出王良北正落
突厥營聲如隳墻其二八月二十九日夜復有大流星如斗出
羽林向北流正當北方依占穎二夜流星墜賊所賊必敗散其
二九月四日夜頻有兩星大如斗出斗魁向東北流依占北斗
主弑伐賊必敗其四歲星主福德頻行京都二處分野依占國
家之福其五七月熒惑守羽林九月七日已退舍依占不出三
日賊必敗散其六十一月二十日夜有流星赤如火從東北向
西落南賊帥盧明月營破其撞車其七十二月十五日夜通漠
鎮北有赤氣亘北方突厥將亡之應也依勘城錄河南洛陽並
當甲子與乾元初九爻及上元甲子符合此是福地永無所慮
旋觀徃政側聞前古彼則異時間出今則一朝總萃豈非天贊
有道取殲克孽方清九夷於東穢沉五狄於北溟告成岱岳無
爲汾水書奏帝大悅超拜秘書令親待愈昵帝每欲征討克皆
預知之乃假託星象獎成帝意在位者皆切患之宇文化及弑
逆之際并誅

裴蘊爲大常少卿初高祖不好聲技遣牛引定樂非正聲清商
及九部四舞之邑皆罷遣從民至煬帝時蘊揣知帝意奏括天
下周齊梁陳樂家子弟皆爲樂戶其六品以下至於民庶有善

音及倡優百戲者皆直大常是後異技淫聲咸萃樂府皆置博士弟子通相傳教增益樂人至三萬餘帝大悅

字文愷爲將作大匠煬帝心在宏侈於是東京制度窮極壯麗帝大悅之進位開府

唐竇誕爲大理卿誕開習法令高祖武德中府從隱太子爲之迴改文案太宗責其短

竇進爲將作大將脩營洛陽宮時太宗務存節儉進乃於宮中鑿池起山崇飾彫麗虛費功力太宗聞之大怒遽令毀之又坐是免

紀處訥神龍中爲大府卿遣大史令傳孝忠奏曰有攝提至帝座王者與賢人相接大臣納忠時處訥奏事中宗賞焉

楊元卿爲光祿少卿憲宗元和末准西平元卿初聞得蔡州謂帝曰淮西甚有寶貨及犀帶臣知往取必得帝曰朕本討賊爲人除害今賊平人安則我求得矣寶貨犀帶非所求也命勿言

貪冒

卿監之選古惟難才等威既崇職業斯重乃有味操脩之旨缺清白之行階籍恩寵因緣事任受財以逞欲治產以專利或侈汰以自任或牒訐而無耻以至犯搢紳之議罹簡書之刑詩所貪人敗類者其是之謂矣

漢田延年宣帝爲大司農坐盜都內錢三千萬自殺

事具邦計貪污門

丙顯元帝時爲太僕十餘年與官屬大爲姦利賦千餘萬免官奪邑四百戶魏高堂隆爲侍中領大史令每祭與吏爭肉自取

百斤猶以為少

宋顏師伯為衛尉師伯居權日久天下輻輳遊其門者爵位莫不踰分多納貨賄家產豐積伎妾聲樂盡天下之選園池第宅冠絕當時驕奢淫恣為衣冠所嫉

後魏刑遜為大司農卿與少卿馬慶哲至相糾訟遜銳於財利議者鄙之

祖瑩為秘書監以贓罪見

隋宇文化及自煬帝為太子時領千牛及即位拜太子少卿益恃舊思貪冒尤甚

唐宇文穎隋末為司農少卿性貪鄙贓賄狼籍右司郎中盧楚將奏劾之穎懼與從父兄儒童等同奔於李密

顏師古太宗貞觀中為秘書少卿多引後進之士為讐校師古抑素流先貴勢雖富商大賈亦引進之物論紛然稱其納賄由是出為柳州刺史將行太宗惜其才謂之曰卿之職學良有可稱但事親居官未為清論所許今者此授卿自取之朕以卿曩從任使不忍遐棄宜深加誠厲也於是復以為秘書少監紀處納中宗時為大府卿神龍中處訥私鑄錢奏京中許用惡錢大長姦偽予今弊之

李逢年肅宗時為司農卿貪冒贖貨上元六年九月勅宜除名長流嶺南瀼州百姓終身勿齒

鄭泌代宗時為司農卿大曆二年六月流于葉州坐贓也

常光憲憲宗時為光祿卿士和五年十二月坐贓免官仍削銀

青階裴通穆宗時為少府監長宗二年四月御史臺奏通前為
吊祭迴鶻使賣子官與之印坐王榮兄憬偽稱外生取錢一千
貫奏授常州叅軍詔以通自絕域而還不之罪其王憬以依前
授官

張武均穆宗時為將作監長慶四年十二月百姓董大和於有
銀臺鐵耳稱供光陵材木武均不給價值出為洋州刺史稱疾
不謝為憲司所糾再黜循州司馬明年七月御史書奏武均前
任將作監日鬻優勞賦近九千貫合當司收管從之

後唐柳膺明宗時為鴻臚卿相齊朗文書兩件賣與同姓人柳
居則其婢母論訴狀罪大理寺斷罪當大比緣遇恩赦令與減
死奪見任官罰銅終身不齒

晉李鍇少帝時為少府監開運二年坐冒請逃死吏人衣糧入
已貶坊州司戶

楊廷壽少帝時為大僕少卿襲鄴國公開運三年奉命於各州
檢苗受贓二百餘疋准法當絞有司以二王後入議故貫其死
除名配威州終身勿齒

廢黜

書曰王者惟歲卿士惟月傳曰君之卿佐是謂股肱則知佩王
之列象河之任曆古為重選取其才至有罔慎厥位畔官離次
享祀違失營構過差馳道不脩橋梁斯壞以至陵國被盜公貴
由賂或議論而不充或請託而必行至於廢黜以警曠慢者也
漢孔臧為大常武帝元朔三年坐衣冠道橋壞不得渡免游衣

冠之張當居為大常元朔五年坐擇博士弟子故不以實免

周平為大常武帝元狩三年坐不繕園陵免

鄭當時為大司農任人賓客餽就謂受顧貨而載運也言當時子就保任其實客於司農載運

也入多逋負司馬安為淮陽太守發其事當時以此陷罪贖為

庶人

李信成為大常元狩五年坐縱丞相侵神道為穎臣釗受楚王

元孫為宗正元狩五年坐聽請不及宗室耐為司冠受人有私為於宗室

謂求者受聽許之宗正故之中事有不具而受獲罪

藥賁為大常元狩六年坐雍犧牲不如令免雍古扶風縣也

任越人為大常武帝元鼎二年坐廟酒酸論

周仲居為大常元鼎三年坐不收赤側錢收行錢論赤當廢而側收見之

不收乃行廟也

蕭壽成為太常武帝元封元年坐犧牲瘦不如令論免

韓延年為大常元封二年坐流外國使人月入粟贖論

杜恬為大常元封三年坐與大樂令中可當鄭舞人擅繇大樂

入闕免擇可以為舞而擅從

杜相為大常元封四年坐擅繇大樂令論擅投使人也

韓延壽為大常元封六年坐大行令事留外國書一月之興入

穀贖免為城旦當有所興發因其遲留故闕之

張昌為大常大初二年坐乏祠免詞事府也

趙第為大常大初一年坐鞠獄死而免為城旦鞠者以其辭戾罪也

石德為大常大初三年坐廟牲瘦入穀贖論又坐失法罔上不

如今免為城旦

斬石對為大常太后四年坐行幸離宮道橋苦惡大僕敬聲繫
以謁聞赦免一云石對為大常坐為謁
問因故敬聲亂尊早免

魏不害為大常昭帝始元五年坐孝文廟風廢免

江德為大常昭帝元鳳中坐廟即夜飲失火免

蘇昌為大常宣帝本始初坐籍瞿山書泄秘書免以秘書
借瞿山

宋疇為少府宣帝地節三年坐議鳳皇下彭城未至京師不足

美貶為泗水太守

任宮為大帝地節四年坐人盜茂陵園中物免

溫順為少府成帝見始王勾坐買公田與近臣獄論

劉順為宗正成帝河平四年坐使合陽侯舉子免

平當成帝時為光祿勳先是太后姊子衛尉溥子長白言昌陵

不可成下有司議當以為作治連年可遂就就亦成也上既罷昌陵

以長首建忠策復下公卿議封長當又以為長雖有善言不應

封爵之科坐前議不正左遷鉅鹿太守前議謂
罷昌陵

蕭由為大鴻臚平帝元始中作明堂辟雍大朝諸侯由會病不

及賓贊還歸故免官

後漢梁松為大僕數為秘書請託郡縣永平二年發覺免官

徐裔永平中為車府令車駕出信陽侯陰託干車騎突鹵薄裔

就車收奴送獄詔書譴裔自繫不出吳食上書信陽侯驕慢干

突車騎無人臣禮大不敬裔執法守正而下獄臣恐陛下政化

由是隳矣於是詔出裔左遷即丘長

晉張華為大常以太廟屋棟折免官

鄭默為太常齊王侯當之國下禮官議崇錫典制博士祭酒曹志等立異議默容過其事坐免

鄧攸為大常時南郊攸病不能從車駕過攸問疾攸力病出拜有司奏攸不堪行郊而拜道左坐免

南齊虞棕為大匠卿起休安陵所受局下牛酒坐免

北齊杜弼為衛尉卿坐第二子廷尉監臺卿斷尉稽遲與寺官俱為郎中封靜哲所訟事既上聞文宣發怒遂徙弼臨海鎮

唐閻立德為將作大匠貞觀中太宗將幸洛陽遣立德行可清暑之地以建離宮遂於汝州西山前臨汝水旁通廣成澤以置宮為役一百九十萬雜費稱是及此暑熱又多毒虺太宗大怒

立德竟坐免

立德初為將作少匠副高士廉營猷陵拜將作大匠尋攝司宮奉昭陵坐怠慢免

竇璡貞觀中為將作大匠脩洛陽宮時太宗務存節儉璡乃於宮中鑿池起山崇飾彫麗虛費功力太宗聞之大怒處令毀之璡坐是免

韋機為司農卿兼統將少府三百高宗上元中始造宿羽高山等宮又移洛水中橋營上陽宮劉仁軌謂侍御史狄仁傑曰古之陂池臺榭皆在深宮重城之內不欲外人見之恐傷百姓之心也機之所作列岸脩廟在於煙堞之外萬方朝謁無不覩之此豈致君堯舜之意哉機聞之曰天下有道百司各奉其職輔弼之臣則思獻替之事付藏之臣行詔守官而已吾不敢越分故也仁傑竟求索機過失奏劾之遂坐免官

趙宗儒敬宗時以檢校左僕射兼太常卿太常有師子樂備五方之色非會朝聘享不作焉至是中人掌教坊之樂者移牒取之宗儒不敢違以狀白宰相宰相以為事在有司執守不合關白宗儒憂恐不已宰相責以懦怯不任事除大子少傅

衛中行為國子祭酒寶歷元年中行擅用當司新賜錢一百八十五貫為分察使所劾中行稱是假借勅罰兩月俸料

梁李翼為光祿卿太祖乾化元年七月坐進廟胙色敗有詔罰兩月俸

仇啟為司天監開平四年十月己巳夜月有蒼白暈鎮與胃昴在環中給奎畢天船卷舌啟不時奏罰兩月俸五年正月以天文變異啟又不時奏罰兩月俸
卷之六百二十五

新刊監本冊府元龜卷之六百二十六

環衛部

總序

夫環衛之設上法天象故太一所居十二星環之謂之藩臣焉黃帝之時以兵帥為營衛即其事也周官宮伯掌受以八次八舍之職以衛王宮春秋楚稽王以藩崇掌環列之尹秦有郎中令掌宮殿門戶衛尉掌宮殿屯兵漢初京師有南北軍掌理禁衛又有將軍北宮者四第一大將軍次驃騎將軍次車騎將次衛將軍又有前後左右將軍皆典京師兵衛又有光祿勳卿即秦郎掌中令也宿衛宮殿門戶典謁署郎更直執戟宿衛門戶又有五官中郎將五官中郎五官侍郎五官中皆主更直執戟宿衛諸殿門又

有虎賁中郎將主虎賁宿衛虎賁中郎虎賁侍即虎賁中節從
虎賁皆掌宿衛侍從又有羽林中郎將主羽林郎無員掌宿衛
侍從常選漢陽隴西安定北地上郡西河六郡良家補本武帝
以更馬從遊獵還宿殿階巖下宮中故號巖即又有尉尉卿即

衛尉掌宮殿衛士中宮徼循事諸門部各陳兵夾道以入南宮

衛士令掌南宮衛士北宮衛士左右都侯主劔戟亡徼循宮中
掖門每門有司馬南宮門宮屯司馬主平城門北宮門倉龍司

馬主東門玄武司馬主玄武門北屯門司馬主北門北宮朱爵

司馬主東掖門東明司馬主東明朔平司馬主北門凡七門並

尉魏武為漢丞相置中領軍與護軍皆領禁兵文帝受漢禪置

武衛將軍以主禁旅又置領軍將軍主五校中壘

武衛等三營晉武帝置中軍將軍以統宿衛七軍武帝初有領

軍將軍羊祜統工衛前後左右驍衛等營即領軍之

任也又以領護二衛驍騎游擊將軍謂之六軍也

懷帝永嘉中改中軍曰中領軍元帝永昌元年改曰北軍中侯

尋復為領軍成帝世復為中侯尋復為領軍又有護軍將永昌

元年省明帝大寧二年復置領護各領營兵江左以來領軍不

復別營總統二衛驍騎林官諸營護軍猶別有營也資重者為

領軍護軍資輕者為中領軍軍中護軍又有光祿勳統武賁中

郎將羽林郎將冗從僕射羽林左監五官左右軍中郎又有衛

尉統武庫公事衛士光祿勳舊其職則別矣衛不後居禁中又

雖取漢代舊名其職則別矣衛尉自秦以後所掌並同至隋唯

置使改事迹並宋因晉制亦有六軍之號以領軍將軍一人掌

外軍南齊以二衛四軍

前後左右將軍

五校

即漢之五校

驍騎游擊稍射強

弩殿中員外殿中武衛七將軍殿中司馬左右及虎賁之中郎

將冗從僕射羽林監武騎常侍謂之西省梁以領軍將軍領天

下兵要謂之禁司又置驍騎將軍領朱衣直閣並給儀從出則

羽儀清道入則與二衛通直臨軒則昇殿俠侍陳承良皆脩其

制官其左右驍騎將軍每大事常令俠侍左右謂驃騎軍騎武

衛為三軍將末年有八柱國大將軍騎中六人各督二大將軍

又各分統開府一人一開府領一軍兵是為二十四軍分掌禁

旅當瓜牙禦侮之寄又增置中右衛將軍又有二部內幢將又

有京畿大都督北齊制官多循後衛其領軍府凡禁衛官皆主

之又以左右將軍分掌左右廂所主朱華閣以外各武衛將軍

二人二之後周禁衛之職大抵同於後衛也隋高祖受命置左

右武衛左右衛左右武侯左右領左右監門左右領軍等府分

司統職焉煬帝改左右衛為左右翊

又加置親侍並勳武三衛煬帝

改三衛三侍非翊衛府皆無三侍也

唐制十六衛及左右羽林左右龍武左右神

武六軍等將軍並掌禁衛也又有神策等天寶初以臨洮城西

二百里餘地為神策軍命成如璆為洮陽太守兼神策軍使及

安祿山之亂如璆使其將衛玉領其軍赴難與觀軍容使魚朝

恩同保陝州時西邊土地已沒遂詔伯玉所領軍號神策軍以

伯玉為使復加號神策軍節度使而統于魚朝恩後遂歸于禁

中焉至德宗朝分神策為左右廂令內官竇文場王希遷分知

兩廂兵馬貞元二年詔策左右廂改為左右神策軍又有殿前

左右射生軍又改為神威軍十四年詔左右軍特為親近宜置
統軍元和三年罷左右神威軍乃別為一軍號曰天威軍至八
年廢天威軍以其騎林分屬左右神策梁置左右天威左右龍
虎左右天威左右羽林左右英武左右神武等六軍其將帥咸
有統軍之號以衛宸極焉五代有判六軍諸衛事又有內外蕃
漢總管之名又有六軍諸衛副使乃侍衛親軍馬步軍都指揮
使及殿前都點檢殿前都指揮使之職諸將又有彰聖寧衛拱
辰威和與順護衛龍捷虎捷等之名其諸將軍雖位號或存而
職事多廢今之所述但槩舉其環衛職名而已其歷代員數品
秩及廢置改更之自並見於將帥序焉原夫環衛之設蓋所以
申嚴武備翊衛宸居衛王之爪牙乃國之柱石名器之重莫斯
為比乃副類能之選著幹蠱之譽勤勞以奉上嚴毅以居位以
至矜莊祇畏始終無玷者於是乎褒寵之典行焉其或邪僻任
已慘毒臨下寘之嚴憲固宜也凡九門著之於篇

環衛部

選任

舉職

寵異

選任

環衛之列統制之權蓋董蘭錡之重兵以肅勾陳之嚴徼選任所至委用非輕要在智勇兼資親信可任付以緹錡為瓜牙所以魏祖譬予玉以命賢光武羨執金之為職至於是也可不務哉

漢卒慶忌明略威重任國柱石拜執金吾常以明習外國事勤勞數有功為右將軍

後漢朱暉為東平王屬始取陰就壁與王以朝明帝聞壯之及當幸長安欲嚴宿衛故以暉為衛士令

魏徐奕為尚書令太祖征漢中魏諷等謀反中尉楊俊左遷太祖嘆曰諷所以敢生亂心以吾爪牙之臣無遏姦防謀者故也安得如諸葛豐者使代俊乎桓階曰徐奕其人也太祖乃以奕為中尉下令曰昔楚有子玉文公為之側席而坐汲黯在朝淮南為

許褚從天子戰大敗馬超等遷武中即將武衛之號自此始也吳樓玄為大司農舊禁中王者自用親近人作之萬或陳親密近職宜用好人孫皓因勅有司求忠清之士以應其選遂用玄為宮下鎮禁中侯主殿中事

晉毛安之有武幹累遷撫軍參軍魏郡大守簡文輔政委以爪牙及登祚安之領兵從駕止宿宮中

羊琇武帝時為中護軍在職十二年典禁兵機密寵遇甚厚宋趙伯符文帝元加十八年徵為領軍將軍先是外監不隸領軍宜相統攝者自有別詔至自始統領焉

南齊肅垣之為鎮軍將軍東昏即位與右僕射江祐並詔更直殿省總監衛

後魏奚斤機敏有識度道武登國初與長孫肥等俱統兵後以斤為侍郎親近左右從破慕容寶於參合皇始初從征中原以為征東長史拜越騎校尉典宿衛禁旅

千洛拔大武帝時為侍御中散車駕征討常在侍衛擢領監御曹事

後周尉遲綱魏廢帝二年拜大將軍兼領軍及魏帝有異謀言

頗有漏泄周公以綱職典禁旅使密為之備俄而廢帝立齊王
仍以綱為中領軍總宿衛事

隋薛世雄性廉謹文帝嘗從容謂群臣曰我欲舉好人未知諸
君識否群臣咸曰臣等何能測聖心帝曰我欲舉者薛世雄群
臣皆稱善帝復曰世雄廉正節槩有古人之風於是拜右翊衛
將軍煬帝初拜右驍衛大將軍帝甚重之

李子雄為民部尚書從幸江都煬帝以伏衛不整顧子雄部伍
之子雄立指麾六軍肅然帝大悅曰真武侯武才也尋專右武
侯大將軍

唐李粲高祖時為左監門大將軍初高祖問粲年幾何對曰八
十高祖曰公清幹之譽聞於隋曰今年齒雖邁勛力未衰但監

門之職非公莫可意欲相煩何如粲曰以年老辭讓高祖曰籍
公處分爾豈欲煩公筋力耶於是詔曰非自殿庭皆乘馬論者
榮之

薛萬均隋永歸國授上柱國永安郡公太宗平劉黑闥聞其名
引為右二護軍北門長上恩顧甚至武士護武德中檢校并鉞
將軍多有獻納勅令將家口入官檢校右廂衛仍知宮俄晉守
光祿給食李多祚驍勇善射意氣感激少以軍功歷位右羽林
將軍前後掌禁兵北門宿衛二十餘年

王及善除右千牛衛將軍高宗衛曰朕以卿佩大橫刀在三品
要識他人非搜辟不得至朕所卿佩大橫刀在朕側知此官貴
否

張守潔為隴右道按察使秦州都督玄宗開元十年以為右監門衛將軍又以江南道按察使宣州刺史霍建玉為右驍騎將軍山道按察使梁州都督裴觀為左右衛將軍定州刺史高豫兼判左右將軍坊州刺史常琳兼判右武衛將軍帝將北巡大展六車之容故歷選兵之良者分掌戎校

李晟代宗大歷中為左金吾大將軍涇原四鎮都知兵馬使時節度使馬璘戰吐蕃兵敗晟拔璘出於亂兵璘起晟威名又遇之不以禮令朝京師帝知之留宿衛

後唐張虔釗遼州人也初為大原牙校以武勇聞於流輩武皇莊宗之世累補左右突騎軍使明宗素聞虔釗有將帥方及即位擢為護駕親軍都指揮使令春秋刺史

舉職

夫旬陳之署蓋取諸垂象環列之尹是掌於禁兵若乃職在徼巡勤乎夙夜雖式道之是任亦忠誠之為允故警衛之任良在於是臣扞擻之現具存乎甲令禦侮之士其可易哉

後漢陰興為期門樸射每從出入常操小蓋障風雨躬履塗泥率先期門光武所幸之處輒先入清宮甚見親信

劉隆為驃騎將軍行大司事隆奉法自守矣

楊仁為衛士令明帝永平末諸馬貴盛各爭欲入宮仁被甲持戟嚴勒門衛莫敢輕進者

耿秉為執金吾甚見親重章帝每巡郡國及幸宮觀秉常領禁兵宿衛

晉陳騶為將軍武帝每出入騶持白氎幡在乘輿左右鹵簿陳列齊肅大康末武常嘗出射雉騶時已為都水使者散從車駕逼閣乃還漏已盡當合函乘輿良久不得合乃詔騶合之騶舉白氎幡指麾須臾之間而函成皆謝騶閑解甚為武帝所在劉彪字仲雅為積弩將軍及武庫火彪建計徹屋得出諸寶器劉超為射聲校尉明帝末穆后臨朝時軍校無兵義興人多義隨超因統其衆以宿衛號為君子營

宋褚淵為中軍將軍桂陽王休範反淵與衛將軍袁粲入衛宮省鎮集衆心

梁蕭範為衛尉夜中行城因風便鞭筆宿衛欲令帝知其勤及姪修共職夜必再巡而不令知人或問其故曰夜中巡警寔有

何勞王上慈愛聞之容或賜止違詔則不可奉詔則廢事且胡質之清尚畏人知此職司之常何足自頤聞者歎服

蕭景為領將軍管天下兵要監局官僚舊以驕侈景在職峻切官曹肅然

臧盾為散騎常侍兼領軍大同二年遷中領軍領軍管天下兵要監局事多盾為人敏贍有風力長於撥繁職事甚理天監中吳平侯蕭景居此職著聲至是盾復繼之

魏周畿明元初為殿中侍御史掌宿衛禁兵斷決稱職遷左民尚書

來天十為殿中給事大武踐祚與襄城公盧魯元等七人俱為常侍侍仗侍衛晝夜不離左右

隋崔彭為驃騎常典宿衛性謹密在省闈二十餘年每當尚在
伏危坐給日未有怠隋之容高祖甚嘉每謂彭卿當上日我寢
處自安

唐尉遲敬德武德中以功授秦王府左二副護軍太宗誅建成
元吉是時高祖泛舟於海池太宗命敬德侍衛高祖敬德擐甲
持弓直至高祖所高祖大驚問曰今日作亂是誰卿來此何也
對曰秦以天子齊王作亂舉兵誅之恐陛下驚動遣臣來宿衛
高祖乃安

龐玉為領軍武侯二衛大將軍玉少戎旅雅習軍法尤熟侍衛
供奉之儀武德將軍以下多不閑故事高祖患之皆令取則於
玉後為監門大將軍太宗以其耆舊常令典兵於東宮玉雖年
老而精勤不怠毫纖之務無不躬親

趙道興太宗貞觀初歷遷左武侯中郎將明閑衛宿號為稱職
段志玄為左驍衛大將軍文德皇后之葬也志玄與宇文士及
分統士馬出宿於章武門太宗夜使宦官至三將軍處士及開
營內使者志玄閉門不納曰軍不可夜開使者曰此有手勅志
玄曰夜中不辨真偽宜停使者至晚太宗聞而歎曰此真將軍
也周亞夫何以加焉

李大亮為左衛大將軍及晉王為皇太子兼領太子右衛率俄
兼上部尚書居三職宿衛兩宮甚為親信大亮每當宿直必通
宵假寐太宗嘗勞之曰至公宿直我便通夜安卧
今狐建為左龍武軍使建中四年十月涇原兵反德宗自出苑

便門建方教射於軍中遂以四百人隨駕帝令建為後殿李觀
為右龍武大將軍建中四年涇師判官時為帝直領衛軍千餘
人扈從奉天詔都巡官訓練諸將戍平三四日聞加召五千餘
兵列之通衢整肅鞞鼓城內因之爭氣帝倚賴之賜封二百戶
二子宏遇授公品京官及駕出奉天與令孤建李昇常清等咸
執羈勒周旋艱險皆著功勞駕還京師詔總後軍禁旅陳君賞
為金吾將軍文宗大和九年十二月中使劉行深白八十一操
巡邊迴走馬自金光門入從者訛言有兵京城不逞之從皆戎
服潛備弓刀引首北望冀城門閉即恣行剽劫時自內聯命閉
門君賞領其徒立望仙門下曰縱使有賊閉門不難請徐觀之
至于日晚京城始定是日微君賞之禦侮幾將亂

寵異

夫任環衛之職總貔貅之衆若非本之以忠信輔之以恭慎文
武英資夷險一致則何以近日月之光茂皇王之寵若乃乘之
名馬服以御劍從遊幸則督茲飛騎遇校獵則統彼六衛或嘉
其義舉或善其應對以至過墓則詞以中牢發哀而為之慟哭
次之編簡咸足觀焉

漢衛綰以功次遷中郎將醇謹無他無他餘志念也孝景為太子時召

上左右飲而綰稱病不行恐文帝謁豫有二心事太子文帝未屬孝景曰綰

長者善遇之及景帝立歲餘不孰何綰孰誰也不誰何者猶言不指問耳綰曰

以謹力自勉方為謹醇日日益甚景帝幸上林詔中郎將參乘還而問曰君

知所以得參乘乎言何以得參乘綰曰臣代戲車士幸得功次遷侍罪

中即將不知也帝問曰吾乃太子時召君君不肯來何也對曰
死罪病帝賜之劔綰施讀曰移言劔者人所好故多數移易綰曰曰先帝賜臣凡六不敢奉詔帝曰劔人之
所施易獨至今乎資換之也又一云施讀曰貶貶延也

俱在帝使取六劔盛謂在削室之中也常盛未嘗服也

後漢張純為五中即將光武甚重一日或數四引見

何湯為虎賁中即將光武常嘆曰糾糾武夫公侯干城何湯之

謂也

江革為五官中即將每朝會章帝使虎賁扶持帝及進拜嘗目

禮焉觀視之也特有病不會輒太官送醪膳恩寵有殊

魏應為五官中即將經明行脩章帝甚重之數進見論難於前

特受賞賜

桓郁遷越騎校尉詔太子諸王各奉賀致禮召訓習韓詩拜左

中即將章帝嘉其義學恩寵甚重出拜陳番大守賜劔錢物

魏典帝為都尉引置左右將軍兵數百人遷校尉戰死太祖為

流涕募取其喪親自臨哭之遣歸塋哀邑拜子滿為郎中車駕

每遇常自以中牢拜滿司馬引自近

許褚為武衛將軍都督中郎軍宿衛禁兵卒大和中明帝思褚

忠孝下召褒賞

宋蕭思話為右衛將軍嘗從太祖登鍾山北嶺中道有盤石清

泉帝使於石上彈琴因賜以銀鍾酒謂曰相賞有松石間意

梁臧胥為領軍將軍卒即日高祖有詔舉哀贈侍中領軍如故

給東園秘器朝服一具衣一襲踐布各有差謚曰忠

陳毛喜為右衛將軍丁母憂去職詔追贈喜母庾氏東昌國大夫人賜布五百疋錢三十萬官給喪事又遣員外散騎常侍杜緬圖其墓田宣帝親與緬案指畫具見重如此

常翽為驍騎將軍領朱衣直閣驍騎之職舊領營兵兼統宿衛自梁代已來其任踰重出則羽儀清道入則與二衛通直臨軒則昇殿俠侍翽素有名望每大事常令俠侍左右時人榮之號曰俠御將軍

後魏于洛牧大武時為侍御中散有姿容善應對恭慎小心帝甚加愛寵因名焉又為侍御中散常在侍衛從征涼州既平賜奴婢四十口轉監曹令

于烈為司衛兼殿中尚書孝文幼冲文明太后稱制列與陸叡李冲等各賜金策許以有罪不死

楊津為長水校尉直閣景明中宣武遊於北邙津時從大尉咸陽王禧謀反帝馳入華林直閣中有同禧謀者皆在從限及禧平帝顧謂朝臣曰直閣半為逆黨非至忠安能不務此謀因拜津左中郎將遷驍騎將軍仍直閣

于忠為散騎常侍令左衛嘗因侍宴宣武賜之劔杖舉酒屬忠曰卿世秉貞節故常以禁衛相委昔以卿行忠賜名曰忠今以卿才堪禦侮以朕御劔杖相似循名取義意在不輕其出入周旋常以自防也忠頓首陳謝

北齊庫狄干魏正光初為將軍宿衛於內以家在寒鄉不宜暑暑冬得入京師夏歸里隋元胃為右衛大將軍高祖親顧益密

嘗正月十五日常與近臣登高時胃下直帝令馳召之及胃見帝謂曰公與外人登高未若就朕也賜宴極觀晉王每致禮焉楊義臣秦國縣公崇之子也崇擊突厥力戰而死義臣襲崇官爵開皇中年未弱冠奉詔宿衛如千牛者數年賞賜甚厚宇文述大業中為左衛大將軍與蘇威萬典選舉參預朝政述時貴重委任與蘇威等其親愛則過之煬帝所得遠方貢獻其四時口味輒見頒賜中使相望於道

李景為右衛大將軍車駕西巡至天水景獻食於煬帝帝曰公主人也賜坐齊王陳之上

唐徐勣為右武侯大將軍高祖詔賜姓李氏宇文士及為右衛大將軍甚見親顧每延入閣中乙夜方出遇其歸沐太宗仍遣馳詔同列莫與為比李亮為左衛大將軍太宗謂亮曰公敦懿真心誠善事每行夜自當丙夜遣即將中即將行甲乙丁戊等夜身先於人真將軍也

趙道興貞觀初遷左武侯中即將號謂稱職太宗嘗謂之曰卿父為隋武侯將軍甚有當官之譽卿今克專弓冶可謂不墜家聲因授右武侯將軍

姜確為左屯衛將軍轉蒙恩顧於玄武門宿衛及園苑之務皆以委之其屯營飛騎亦分隸於霍每有遊幸即領騎而從焉獨孤遠貞觀初總領左廂六衛兵馬軍令嚴肅太宗大悅賜雜綵二百段

段志玄為左驍衛大將軍樊國公改封襄國公後疾篤輿駕臨
問撫之流涕既卒太宗為發哀哭之甚慟
李多祚中宗神龍初為右羽林將軍以定謀誅張易之兄弟功
進封遼陽郡王其年帝將有事於大廟特令多祚與女國相王
登輦夾侍當代榮之

田歸道除殿中少監右金吾將軍蘇餘卒贈輔國大將軍追封
原國公塋事官供甚厚中宗又親為文以祭之

臧希讓為金吾衛大將軍翫麟好談時政屢以理體上千公卿
詔令集賢院待制

李觀為右龍武大將軍涇師叛觀時上直有衛兵千餘人扈從
奉天詔都巡警練諸軍戍卒三數日間加召五千餘兵列之通

衢整整肅輦鼓城內因之增氣德宗倚賴之賜封二百戶二子
宏寓授八品京官

張萬福為右金吾將軍德召見警曰杜亞言卿昏耄卿乃如是
健耶詔圖形凌烟閣數賜酒饌衣服并勅度支籍口畜給其費
賂元光金吾上將軍貞元三年七月賜元光姓李氏更名元諒
郭縱為金吾將軍穆宗幸蹤城南莊賜莊千匹縱遽以其莊上
獻

新刊監本冊府元龜卷之六百二十七

環衛部

忠節

剛正

謹慎

忠節

夫周衛之職典司禁旅晝夜警備執禦非違故止則密奉皇闈
出則環拱宸極皆妙選才俊以資心膂故有忠節奮發赤誠明
著竭身命以徇國經夷險而一致若乃屬艱危之運變亂之時
或密刺賊臣或力抗凶豎義形於色視死如歸以至忠言激揚
至誠感槩為瓜牙之寄貞威武之容上所以安君親下所以彰
功業孟子所謂忠者臣之高行諒在茲矣

鄴鄧都為中郎將敢直諫面折大臣於朝嘗從景帝入上林賈

姬在廁野疑入廁帝目都動目以都不行帝欲自持兵救賈姬使也都伏帝前曰亡一姬復一姬進天下所少寧賈姬等耶陛下縱自輕柰宗廟太后何帝還疑亦不傷賈姬太后聞之賜都金百斤由此重都

後漢馮魴建武中為金吾性矜嚴公正任位數進忠言多見納用

陰興為期門僕射每從出入常操持小蓋障翳風雨躬履塗泥率先期門光武所幸之處輒先入清宮

桓郁越騎校尉數進忠言多見納錄伍孚為越騎校尉忿董卓凶毒志手刃之乃朝服懷佩刀以見卓起送至閣以手撫其背孚因出刀刺之不中卓自奮得免急呼左右執孚而大詬曰虜

欲反邪孚大言曰恨不得磔裂姦賊於都市以謝天地言未畢而斃

魏許褚為校尉從討袁詔於官渡侍常從士徐他等謀為逆以褚常在左右憚之不敢發伺褚休下日他等懷刀入褚至下舍心動即還侍他等不知入帳見褚大驚愕他等色變褚覺之即繫殺他等大祖益親之

吳丁奉為左將軍景帝即位與張布謀欲誅孫綝布曰丁奉雖不能史書而計略過人能斷大事帝召奉告曰綝秉國威將行不軌欲與將軍誅之奉曰丞相兄弟多黨甚恐人心不同不可卒制可因獵會有陛下兵以誅之也帝納其計因會請綝奉典張布目左右斬之遷大將軍

晉劉超為右衛將軍蘇峻謀逆京邑大亂朝士多進家人入東
避難義興故史欲迎超家而超不聽盡以妻孥入處宮內及王
師敗績王導以超為右衛將軍親侍成帝峻遷車駕石頭時天
大雨道路泥陷超與侍中鍾雅女侍左右賊給馬不肯騎而悲
哀慷慨峻聞之甚不平時饑饉米貴峻等問遺一無所受繾綣
朝夕臣節愈恭帝時年八歲雖幽厄之中超猶啓授孝經論語
後王道出奔超與掾令康還建康令管旆等密謀將欲奉帝而
出未及期事洩被害

宋沈演之為中領軍時范曄為太子詹事懷逆謀演之覺其有
異言之大祖曄尋事發伏誅

卜天與元嘉末為廣威將軍領左細仗元凶劭入事變倉卒
舊將羅訓徐罕皆望風屈附天與不暇被甲執刀弓疾呼左右
出戰徐罕日殿下入汝欲何為天與罵曰殿下常來云何即時
方作此語只汝是賊手射賊於東堂幾中逆徒挈之臂斷倒地
乃見殺其隊將張泓之朱道欽陳滿與天與同出拒戰並死卜
洎與天與子也為前將軍直閣領細仗主順帝昇明元年與袁
粲同謀伏誅

後周趙剛初為魏都閭內都督及孝武構隙剛密奉旨召東荆
州刺史馬景昭未及發而齊神武已逼洛陽孝武西遷景昭集
府僚文武議其去就司馬通和請據州待北方處分剛抽刀殺
地曰公若為忠臣可斬通和如欲從賊可見殺景昭感悟遂率
衆赴官右屬侯景逼攘城東荆灼人楊權等起兵應景以其衆

邀景昭於格景昭戰敗剛遂沒於蠻後自贖免乃見東魏秉荆
州刺史李魔憐勸令歸閔西磨憐納之使剛至并州密觀事勢
神武引剛內宴因令賫書申勅荆州剛還魔憐斬楊權等以州
歸西魔憐乃使剛入朝天統初剛於霸上見文帝具陳閔東情
文帝嘉之封陽邑縣子

蔡祐為大將軍閔帝踐祚拜少保祐與尉遲綱共掌禁兵迺直
殿省時帝任信司會李植等謀害晉公護祐每泣諫帝不聽尋
而帝廢

隨董純為左驍衛將軍彭成畱守齊王暕之得罪也純坐與交
通煬帝庭譴之曰汝階緣宿衛以至大官何乃附傍吾兒欲相
離間也純曰臣本微賤下才過蒙獎擢先帝察臣小心寵踰涯
分陛下重加收採位至將軍欲竭餘年報國恩比數詣齊王者
徒以先帝先后徃在仁壽宮置元德太子及齊王於膝上謂曰
汝好者此二兒勿忘吾言也臣奉詔之後每於休暇出入未嘗
不詣王所臣誠不敢忘先帝之言于時陛下亦侍先帝之側帝
改容曰誠有斯旨於是捨之

郭榮為左候衛將軍大業九年煬帝至東都謂榮曰公年德漸
高不宜久涉行陣當與公一郡任所選也榮不願違離頓首陳
讓辭情哀苦有感帝心於是拜為右候衛大將軍後數日帝謂
百寮曰誠心純如郭榮者固無比矣其見信如此

李景為右武衛大將軍景智略非所長而忠直為時所許揚玄
感之反也朝臣子弟多預焉而景獨無閔涉帝曰公誠直大然

戒之梁棟也

趙才為右侯衛大將軍字文化及之難才時在苑北化及遣驍果席德方矯詔追之才聞詔而出德方命其徒執之以詣化及化及謂才曰今日之事祇得如此幸勿為懷才嘿然不對化及忿才無言將殺之三日乃釋以本官從事鬱鬱不得志才嘗對化及宴飲請勸其同謀逆者一十八人楊士覽等酒化及許之才執杯曰十八人止可一度作勿復餘度更為諸人默然不對行至聊城遇疾俄而化及為竇建德所破才復見虜心弥不平數日而卒

獨孤盛大業末為左屯衛將軍字文化及之作亂也裴虔通引兵至成象殿衛者皆釋仗而走盛謂虔通曰何物兵刑勢大異也虔通曰事勢已然不預將軍慎無動盛大罵曰老賊是何物語不及被甲與左右才十餘人逆拒之為亂兵所弑

唐張鎮州仕隋為屯衛將軍從煬帝江都於上江督運賊董道冲為阻進擊破之既而蕭銑陷長沙字文化及又作難鎮州為煬帝發喪哭之甚慟哀感路人

武士護武德中檢校右廂宿衛妻患危掇竟不請假出者先是士護在井鉞軍之日有兩兒患重病以至於沒以不赴問但傷悼而已及妻死所司奏勅曰此人忠節有餘去年兇天命今日婦亡相去非遙未嘗言及遺身徇國舉無與比

敬君引武德中為驃騎將軍掌屯營兵於玄武門君引太子建成之誅也其餘黨馮立謝叔方率兵犯玄武門君引挺身出戰其

所親止之曰事未可知當旦觀變待兵集成列而戰未晚也君引不從乃與中郎將呂世衡大呼而進並遇害太宗甚嗟賞之贈引左屯衛大將軍世衡右騎衛將軍

周範為左衛將軍太宗幸九成宮常與房玄齡統番事範為人嚴正有威所在之職人皆憚之一心奉上至死不虧及至疾篤不肯出外竟終於內省與玄齡相抱而訣曰所恨不獲再奉聖顏若死而有知謹以幽魂奉衛宮闕

薛仁貴為右領軍即將北門長永徽五年車駕幸萬年宮甲夜山水猥至衝突玄武門宿衛者散仁貴曰安有天子有急輒敢懼死遂登門枕叫呼以警宮內帝遽出乘高俄而水入寢殿帝使謂仁貴曰賴卿得免淪溺始知有忠臣也賜御馬一疋

李安靜為右衛將軍天授時公有寮皆勸革命安靜獨義形於色無所陳請又被收下制獄來俊臣詰其反狀安靜謂曰以我是唐家老臣湏殺即殺若問以謀反實無可對俊臣竟誣搆殺之

李多祚為右羽林將軍神龍初張柬之將誅張易之兄弟引多祚將籌其事謂曰將軍在北門幾年曰三十年矣柬之曰將軍繫鍾鼎食金章紫綬貴寵當代位極武臣豈非大帝之恩乎多祚泣而對曰嘗感大帝之恩死而無忘柬之曰將軍既感大帝殊澤能有報乎大帝之子見在東宮逆豎擅權朝夕危逼宗社之重在於將軍誠能報恩正屬今日多祚曰苟緣王室惟自公所使不顧妻子性命因即引天地神祇為要誓詞氣感動義形

於色遂與東之等定謀誅易之兄弟

田歸道為右金吾將軍殿下監押千騎宿衛玄武門敬暉等將討張易之昌宗也遣使就案千騎歸道既先不預謀拒而不與及事定暉等將誅之歸道有辭免令歸第中宗後嘉其忠壯召拜大僕少卿

邢濟為金吾將軍上元中日者朱融與嗣岐王珍交通珍義表偉如顏類玄宗遂誘中官六軍人同謀逆融謂濟曰今城中草草閔外寇賊近更憑凌若阿濟曰我金吾天子押衙死生從之安能自脫融曰有一人足下見之自當知縱不出城亦無虜矣遂引珍見濟濟即日奏之並伏誅

今孤建為左龍武軍使宗宗避朱泚之亂出幸奉天建方殺射於軍中遂以四百人隨駕德宗令為後殿

張萬福為金吾將軍時裴延齡諂陸贄等坐貶德宗怒不解諫議大夫楊城率拾遺王仲舒等數人守延英門上疏論延齡姦佞贄等無罪德宗大怒召宰相入語將加城等罪良久乃解令宰相諭遣之於是萬福聞諫官伏閣諫趨往至延英門大言賀曰朝廷有直臣天下安得不大平矣遂遍拜成及王仲舒等曰諸諫官能如此事天下安得不大平已而連呼太平太平萬福武人也年八十餘見此盛事自此名重天下梁孫德昭為右神策軍督指揮使光化三年唐昭宗為閹官所廢矯立德王時中外以權在禁闈莫能致討近藩朋附章表繼有至者丞相崔裔外與太祖申結輔佐之好內遣心腹密購忠有以事諭德昭者德昭

伏甲要路俟逗其前駢邀其輿而斬之孫承誨等於捕右軍容
王仲先黨位昭宗於是崔裔奉迎御丹鳳樓率百辟待罪且泣
即日議功以德昭為靜海渾節度使承誨邕州節度使從容州
節度使並同平章事周何福進少從軍以驍勇聞後唐同光節
郭從謙以兵圍莊宗於大內福進時為宿衛軍校獨出死力拒
戰於內後明宗知而嘉之

剛正

環尹之職上法勾陳所以為王瓜牙掌兵蘭錡非夫剛毅不撓
忠正時立則何嚴恭宿衛徼巡兩漢以來實重其選乃有持舉
典法不避強族申明憲令務在存公威望凜然謹議確爾專司
糾禁靡受私請嫉惡而言形慷慨喜善而意在激勸出入整肅

內外悚憚斯寔靡畏於強禦無待於仕宦者矣

漢郅都為中尉丞相條侯貴倨而都揖丞相是時民樸畏罪自
重都獨先行法不避貴戚列侯宗室見都側目而視號曰蒼鷹
甯成為中尉初郅都死後長安左右宗室多犯法長安左右宗
邑之中也

景帝召甯成為中尉其治效郅都其庶弗如然宗室豪傑人皆
喘恐

蓋寬饒為衛司馬先是衛司馬在部見衛尉拜謁帝為衛官縣
讀為使市買寬饒視事案舊令遂揖官屬以下行衛者衛尉
官屬

也衛尉私使寬饒寬饒以令官府門上謁辭私見使而公
辭尚書也尚書

責問衛尉由寬饒以法令不給使尚
書責衛尉不復使司馬由是衛官不復私使候司

馬候司馬不拜出先置衛輒上奏辭天子為天子先道先
天子發故上奏辭自此

正焉

楊惲為中郎將即官化之莫不自厲絕請謁貨賂之端令行禁止宮殿之內翕然同聲

毋將隆為執金吾時侍中董賢方貴帝使中黃門發武庫兵前後十輩送賢及帝乳母王阿舍隆奏武庫兵器天下公用國家武備繕治造作皆度大司農用度皆出大司農大司農錢自乘輿不以

給共養共養勞賜一出少府蓋不以本藏給未用不以民力共浮費別公私示正路也用賞為執金吾督大姦猾三輔吏民甚畏之

後漢承宮遷左中郎將數納言陳政事得失論義切慤朝臣憚其節

馬方為金吾性明嚴公正上事處義多用之

蘭興略仁壽大業中與賀蘭肅俱為武侯將軍剛嚴正直不避強禦咸以稱職知名

唐千有億為朝請大夫每掌徼巡精勤不倦凡糾訐不避強禦及太宗踐祚帝在武侯猶直不能容物見有寮有不釐肅必面加詆辱或手自捶毆朝士莫不憚之

田仁會麟德中為右金吾將軍仁會強力疾惡晝夜警巡絲毫越法無不力發躬自閱罰略無寬者京城貴賤咸畏憚之時有女巫蔡娘子以鬼道惑眾自天能令死者復生市里以為神明仁會驗其假奏請徙邊帝曰若死者不活便是罪過不可容也竟依仁會所奏

裴諝建中初為金吾將軍時德宗以刑名理天下百吏震悚時十月禁屠殺以甫近山陵禁益嚴尚父汾陽王郭子儀隸人殺羊以入門者覺之諝列奏狀帝以為不畏強禦累遣宣諭或謂諝曰郭公有社稷功豈不為蓋之諝笑曰非尔所解且郭公威權大盛上新即位必謂黨附者衆令發其細過以明不弄權耳吾上以盡事君之道下以安大臣不亦可乎

張萬福為金吾將道裴延齡謔陸贄等坐貶德宗怒未解諫儀大夫陽城帥拾遺王仲舒等守延英門疏論萬福聞諫官伏閣諫趨往至延英門大言賀曰朝廷有直臣天下必太平矣遂遍拜城及王仲舒等曰諸諫議能如此言事天下安得不大平當其宿直必通官假寢大宗勞之曰至公宿直俄便安卧張延師

以軍功累遷左右衛將軍檢校司羽林軍封范陽郡公典羽林屯兵前後二十餘年廉謹同慎未嘗有過朝廷稱之

阿史那忠高宗永徽中為右驍衛大將軍所歷以清謹見稱見後宿衛向四十年時人比之金日磾

吳湊章敬皇后弟代宗大歷中為金吾將軍湊小心謙謹職智周敏每承顧問偏見信任

李聽憲宗元和中為羽林將軍有名馬穆在東宮令近侍諷聽獻之聽以職總親軍不敢從

新刊監本冊府元龜卷之六百二十七

新刊監本冊府元龜卷之六百二十八

環衛部

姦佞

遷黜

曾害

姦佞

夫以法勾陳之象統禁衛之兵王之瓜牙國之禦侮雖曰親密之地亦容姦佞之流毀嫉忠賢善事權勢巧言令色阿諛取容故足以惑於聰明傷乎德政也孔子云放鄭聲遠佞人鄭聲淫佞人殆富哉言乎

漢王溫舒為中尉多諂善事有執音世者即無執視之如奴有執

家雖有姦如山弗犯無執雖賤必侵辱謂不居權要之職者舞文巧詆下

戶之猾以動大豪

弄法為巧詆下戶之校猾者用諷動大豪之家所以然者為大豪中有權要不可治故也

晉羊琇為中護軍在職十三年典禁兵然黨慕勝已其所推奉便盡心無二窮窘之徒恃能振恤選用多以得意者居先不盡銓次之理將士有冒官位者為其致節不惜軀命高韶為右衛將軍放佚無檢與殿省小人交通及父光卒仍於喪中往來不絕

隋元胃高祖時為右衛大將軍房陵王之廢也胃預其謀帝正窮治東宮時左衛大將軍元旻苦諫楊素乃譖之帝大怒執旻於仗胃時當下直不去因奏曰臣不下直者為方元旻耳復以宮激怒帝帝遂誅旻賜胃帛一千疋

郭衍煬帝天業初為左武衛大將軍能揣上意阿諛順旨帝每謂人曰唯有郭衍心與朕同又嘗勸帝取樂五日一視事無得

効高祖空自劬勞帝從之益稱其孝順

宇文述煬帝大業中為左衛大將軍善於供奉俯仰折旋容止便僻宿衛者咸取則焉又有巧思凡有所裝飾者出人意表數以奇服異物進獻宮掖由是帝彌悅焉

唐劉希暹出自戎伍有膂力形貌充偉以騎射聞得入神策軍典領禁兵時魚朝恩專掌神策兵希暹屢陳武略又善候朝恩意甚為朝恩親信累遷大僕卿充神策軍都虞候與神策兵馬使王駕鶴同掌軍務

白志貞德宗建中年為神策使善候伺上意言必聽從嗣統王則之貞元中為左金吾大將軍性貪恠又希旨伺察苛細以聞人皆畏之

李道古憲宗元和末為金吾將軍邪險百端以求寵進日持朝臣陰事構於皇甫鑄信而狎之士君子頗憂其得志穆宗初與鑄俱敗

遷黜

先王設環列之職以法乎勾陳一刑罰之威以象乎震曜况夫官備宿衛晝夜是司親近宮闈秉執棨戟固宜警戒所關淑慎尔身豈不司其憂遐棄厥職廣納賂恣為奢豪吏議有歸將誰執自貽憲法良可悼哉

漢王嘉為郎坐戶殿門失闌免

戶止也嘉掌守殿門正不當入者而失闌之故坐也春秋左

氏傳曰屈蕩戶之

魏楊俊為中尉大祖征漢中魏颯及於鄴俊自劾詣行在所俊

以身方罪免牋辭太子太子不悅曰楊中尉便去何太祖遠邪

遂左遷平原太守

宋劉懷慎義熙十三年高祖北戎以為中領軍征虜將軍衛鞞轂坐府內相殺免官

王景義為右衛將軍坐與奉朝請毛法因蒲戲得錢一百二十萬白衣領職

南齊到搗為右衛將軍隨王子隆帶彭城郡搗問訊不循民歌為有司所舉免官久之白衣兼御史中丞

蔡約領驍騎將軍太子中庶子領屯騎校尉永明八年八月合朔約脫武冠解劍於省眠至五鼓不起為有司所奏贖論

張欣泰為直閣步兵校尉領羽林監從車駕出新林勅欣泰甲

伏廉察欣泰停仗於樹下飲酒賦詩制局監呂文虔過見啓世祖世祖大怒遣出外數日意稍釋召還謂之曰卿不樂為武職駢使當處卿以清貫除立員郎

唐李邕為右金吾將軍先天二年十月玄宗講武於驪山給事中唐詔以失軍容將斬之上既怒唐詔左右猶望寬之會邕遽請宣勅遂斬之時人皆痛惜紹而深咎於邕等尋有制罷邕官邕以是遂擯廢終身

白志貞為神策軍使建中四年頗發兵東討戰卒士役殆盡都不奏聞所存者沽販之徒又皆在沛里涇師之叛兇徒犯闕禁中無以禦寇鑿輿遷幸賊黨得以陸梁職志貞之由也及扈蹕奉天猶加禮部尚書無幾朝臣頗有論其敗謀者物議紛然由

是貶開州別駕

李建徽為左神武大將軍貞元三年以其妻柳州與部國公主交往也改作其衛大將軍張或為左金吾大將軍元和二年坐補吏受賂改大子詹事致仕伊慎為右金大將軍元和五年以錢參十萬賂右神策軍護軍中尉第五從直求為河中節度從直恐事泄奏之上怒入其贓一千伍百萬仍黜為右衛將軍通密近坐死者三人

孫璿為右羽林軍大將軍元和六年坐與弓箭庫劉希先交通賂希先錢二十萬以求方鎮改右衛將軍

張志和為左神策軍繫毬將寶歷元年因時宴被酒乖禮狀八十流豐州家屬配掖庭

李甚為右龍武大將軍甚西平王晟之子無他材能以功勳家累官至庫使沉湎於聲色恣為奢侈積至累千萬至是以子貸迴鵠錢一萬一千四百貫不償為迴鵠所訴貶宣州別駕梁冠彥卿為左金吾衛大將軍充街使一日過天津橋有老人悞衝其前駭導者排之落橋而斃為御史府所彈大祖不得已責授左衛中郎將

霍害

西漢已降環列之職重矣專總衛兵衆決庶獄乃有殘忍之類恣其凶蠹之性以暴殄為稱職以苛刻為無私毒痛平民甚於猛虎威震庶僕酷如秋荼和氣用傷仁政斯缺王者所以屏四惡者其以是夫

漢郅都為中尉是時民樸畏非自重而都獨先嚴酷致行法不避貴戚列侯宗室見都側目而視號曰蒼鷹

臨江王徵以中尉府對簿

簿者微辭之文書也音步戶切

臨江王欲得刀筆為

書謝上

刀所削治書也古者書於簡牘故必用刀焉

而都禁吏弗與魏其侯使人問

子臨江王

伺簡隙而私與也

臨江王既得為書謝上因自殺竇太后聞

之怒以危法中都

謂構成其罪也中竹中反次下以同

都免歸家

甯成以謁者事景帝為即猾賊任威為中尉其治效郅都其廉弗如然宗室豪傑人皆惴恐

杜周為執金吾逐捕桑羊衛皇后昆弟子刻深武帝以為盡力無私遷御史大夫

尹齊為中尉齊初以刀筆吏事張湯湯數稱以為廉武帝使督

盜賊斬伐不避貴執遷閔都尉聲甚於寧成帝以為能故拜中

尉

王溫舒為中尉姦猾窮治大抵盡靡爛獄中大抵大刃也靡辟也抵子禮反靡武

皮行論無出者其爪牙吏虎而冠言其殘暴之甚也非有人情於是中尉部

中中猾以下皆伏有執者為遊聲譽稱治數歲其吏多以權貴

富

隋段文操大業中為虎賁郎將性甚剛嚴帝令督秘書省學士

時學士頗存儒雅文操輒鞭撻之前後或前干數時有識者鄙

之

唐劉希暹初以騎射入神策軍典領禁兵時魚朝恩專掌神策

兵希暹屢陳武略又善侯朝恩意甚為朝恩親信累遷大僕卿

克神策軍都虞侯與神策兵馬使王駕鶴同掌軍務累封希暹

為徐國公又進封為交河郡王希暹以為虞候之任合王不法

遂諷朝恩於北軍置獄召坊市凶德不逞之徒役使之捕坊城

內富人誣以違法掩置獄中忍害拷訊錄其家產盡沒之仍分

賞捕者或有選舉士財貨稍殷客於店肆遇橫死者非一坊市

人苦之謂為入地牢捕者之帥有賈朋觀尤克盡以屢擒得人

則產大獲希暹掌兵地在禁密人無所訴魚朝恩縱之由也及

朝恩誅上以希暹掌重戎旅一切寬宥加希暹魚御史中丞依

前都虞侯希暹以素志非順慮不見容常自疑懼與王駕鶴聯

職希暹詞多不遜駕鶴淳謹上常信任之至是以希暹語聞乃

寘于法

賈明觀本萬年捕城之小兒也事劉希暹恣行兇忍毒甚豺虺朝息希暹既誅宰臣元戴受明觀姦謀潛容之特奏令江西効力明觀既出城內百姓萬餘人聚於城門懷磚石俟之期投擊以快志載聞之特遣所由吏擁百姓入城由是獲免

新刊監本冊府元龜卷之六百二十八

新刊監本冊府元龜卷之六百二十九

銓選部

總序

夫先王建國法天制官故勞大者其祿厚功多者其爵尊能治

衆者其官大是以量其材用程其器能考之以言試之以職惟

善是授其格于治者也而銓選之任衡鑑是司歷世以來資地

尤重故曰周禮天官大宰掌建邦之六典以佐王理邦國其官

即今之吏部而職任頗異也又曰五官之屬有司士大夫二人

掌郡臣之版

古書版為班書或為板名籍也

歲登下其損益之數

謂用功過班黜陟者也

其年歲與其貴賤

年數多少知其老少

周知邦國卿大夫士庶子之數以

詔王理

告王所尚進退矣

以德詔爵

有賢者之德乃詔以爵

以功詔祿

理有功然後告以祿

以能詔事以久奠食

能者成事乃食之王制曰命定然後官任官然後爵之位定然後祿之奠晉定也

乃今銓選之義矣漢丞東曹主二千石長吏遷除亦其事也成

帝初置尚書四人六百石分為四曹吏曹尚書典選舉又曰帝

侍曹主公卿事後至漢光武分為六曹常侍曹為吏部曹主銓

舉祠祀漢末又改三選部專掌選舉事

虛帝時以侍中梁鵠為選部尚書於此始見會

名魏改選部為吏部而主選事

陳群延康元年始建九品官人之法拜吏部尚書

晉與

魏同宋時吏部尚書領吏剛定三分比部四曹孝武不欲威權

在下大明二年分吏部尚書置二人以輕其任後還置三吏部

尚書後魏北齊置吏部

掌褒崇選補

考功主爵二曹後周置大冢卿

一人屬官有吏部中大夫一人領司勳上士等隋初復曰吏部

尚書至唐氏建國吏部尚書侍郎掌銓選之職掌天下衆官之

選授凡職官銓綜之典權衡殿最之法悉以咨之其屬有四曰

吏部主爵司勳考功冠於中臺盡總職務而奉行其制命凡中

外百司之事由於所屬皆質正焉其取士則以三類觀其異一

曰德行二曰才用三曰勞効德均以才才均以勞其優者擢而

升之否則量以退焉所以正權衡明與奪抑貪冒進賢能也然

後據其狀以覈之量其資以擬之五品以上皆名聞而制授焉

六品已上常叅之官則勅授

晉供奉官及員外官監察御史

其餘則各量資注

擬置吏部尚書一人正三品龍朔二年改吏部尚書為司列太

常伯咸亨元年復為吏部尚書光宅元年改為天官尚書神龍

元年復舊天寶十一年三月又改為文部掌文官選事總判吏

部司封勳考四曹事至德二載十二月復為吏部尚書侍郎二

人正四品已上周之天官小宰中大夫也隋煬帝置以二尚書之職唐朝因之武德七年二月省真觀二年正月復置總章元年加一員龍朔二年改為司列少常伯咸亨元年復為吏部侍郎掌選補流內六品已下官是為銓衡之任凡初仕進者無不所屬選集之際勢傾天下列曹之中資位尤重光宅元年為天官侍郎神龍元年復為吏部天寶十一載三月為吏部侍郎至德二載十二月復為吏部總章中添一員為二員本員為中銓新加員為東銓永昌元年三月又加一員聖歷二年五月咸亨二員乾元二年八月改中銓為西銓即中二員晉魏以來妙於時選其他曹即功高者遷為吏部然而或有侍郎或有郎中或曰尚書郎或曰某曹郎稱號不同所職一也齊謝朓王儉為吏部郎

是也隋初曹郎皆謂之侍郎煬帝二年分置六司侍郎之後遂改諸曹侍郎但曰郎其吏部改為選部郎唐初改為選部郎中武德五年改為吏部郎中龍朔三年改為司列大夫咸亨元年復舊又有員外郎二人從六品上周官大宰屬官有上士今員外之職也宋百官階次員外郎每遷為尚書郎隋開皇六年置一人煬帝三年改為選部承務郎武德三年復舊加置一人一員判南曹在尚書吏部為前行兵部次之遷入者以為美自晉魏以來凡吏部官屬悉高於諸曹焉開元以前以兵吏尚書權位尤美則宰相多所兼領而從容衡軸不自銓綜其選試之任皆侍郎專之尚書署通而已或分領其事則列為三銓開元四年六月勅員外郎御夫并供奉官直進名勅授自此始不在吏部尚書掌其一侍郎分其二尚書所掌謂之尚書銓侍

即所掌一為中銓其尚書銓掌六品七品選侍郎銓掌八品九
一為東銓各有印官選景雲元年宋璟為尚書始相通與侍郎分職開元十三年
以封岳迴選限逼宇文融請分置十銓尋罷之寶應初李視為
江陵尹知江淮選補使後視之罷相又為本曹尚書知江淮選
舉置銓于洪州興元元年侍郎劉滋亦於江南典選以便於人
復皆廢焉其東銓者貞觀元年京師穀貴始分人於洛州置選
至開耀元年以關外道理迢遞河洛之邑天下之中始詔東西
二曹兩都分簡留放既畢同赴京師謂之東選其南選先以桂
黃交黔等州都督府所奏擬士人有領任官未甚精選乃令五
品以上強明清正官充南選使以補仍令御史同往注擬其有
應任五品以上官者皆使人共所管都督府相知其條景行藝
能正術堪稱所職之狀聞奏故謂之南選然或廢或置不常其
任其小銓即中員外主之謂之南曹載初元年加置聖歷三年
省開元三年兵吏部各專定人判南曹尋又一人專判貞元元
年又以二人同判十二年又一人判自唐至五代正官或闕並
以他官權領其條章之所改亦考課之所登降或公望尤著或
利刃無虛楊清直之聲有振拔之跡諸史策其事繁然至於濫
承委任貪黷貨賄亦列於左以取鑒焉凡銓選部八門云

條制

夫唐虞之時建官惟百姒商官倍成周之制其屬尤繁然選用
之道猶所未立逮夫漢氏之代始察孝廉吏事浸廣科第仍設
故調補之制所謂增多然而邪偽萌生隄防漸峻是以東京申

交互之敬當塗立品制之法晉宋之下訟革不同固亦銓綜有條清濁適序誠有國之成憲官人之要道也乃至群下奏議或匪見從咸用論次以著其事云

漢景帝後元二年詔曰今訾算十以上廼得官廉士等不必衆

有市籍不得官無訾又不得官朕甚愍之訾算四得官亡令廉

士久失職貪夫長利訾雋錢也算一百二十七也古者疾吏之

算十萬也買人有財不得為吏廉士無宣帝皇龍元年四月詔

訾又不得官減故訾四算得官曰舉廉吏誠欲得其真也吏六百石位大夫有位罪先請秩祿

上通足以効其賢材自今以來毋得舉吏六百石者不得復舉為廉吏也

元帝永光元年二月詔丞相御史舉質樸敦篤而有行者光祿

歲以此科第郎從官始今丞相御史舉此四科人以擢用之而見在即及從官又今光祿歲行者科考校

定其第高下用知其賢否也

後漢光武建武十二年詔三公舉廉吏各一人左右將軍歲舉

廉吏三人中二千石各二人光祿歲舉郎茂才四行各一人察

廉吏各一人廷尉大司農二人將兵將軍歲察廉吏各二人

安帝永初二年九月詔王官屬墨綬下至郎謁者王國有中大夫秩比六百

石謁者比四百石郎中二百石其經明任博士居鄉里有廉清孝順之稱才

任理人者國相歲移名與計偕上尚書公府通調令得外補移書

也調選也

延光二年八月庚午初令三署郎通達經術任收民者視事三

歲以上皆得察舉

順帝陽嘉元年閏十二月令諸以詔除為郎年四十以上課試

如孝廉科者得參廉選歲舉一人

桓帝以本初元年六月即位七月詔曰孝廉廉吏皆當典誠收
民禁姦舉善興化之本常必由之詔書連下分明懇惻而在所
翫習遂至怠慢選舉乖錯害及元元頃雖頗繩正猶未懲改方
今淮夷未殄軍師屢出百姓疲瘁困於徵發庶望群吏惠我勞
民蠲滌貪穢以祈休祥其令秩滿百石十載已上有殊才異行
仍得參選 吏子孫不得察舉杜絕邪偽請托之原令廉白守
道者得信其操各明守所司將觀厥後建和初時議以郡州相
阿人情比周乃制婚姻之家及兩州之人不得相臨遂復有三
牙法 三牙謂婚姻之家及兩州不得交牙為官是時史弼遷山
陽太守其妻鉅野薛氏女以三牙自上專拜平原相是也
魏氏帝嗣王位建康元年吏部尚書陳群以天朝選用不盡人

才乃立九品官人之法州郡皆置中正以定其選擇州郡之賢

有職鑒者為之區別人物等其高下

慎杜右云九品之制初因後漢建安中天下兵興衣

冠士卒多難本在欲徵源流慮難委悉魏氏革命州郡縣具置
大小中正各取本處人在諸府公卿及臺省即吏有德充才裕
者為之區別所管人物定焉九等其有言行脩著則升進之或
從五升四從七升六倘或道義虧缺則降下之或自五退六自
六退七吏部不能審覈天下人才士庶故委中正叙等級憑之
授受胥免取失及奸弊也唯能知其闕閱非辨其賢愚所以劉
毅云下品無高門上品無寒上南朝至梁陳北朝至于周隋晉
選舉之法雖牙用損益而九品及中正至開皇中方罷

依魏氏九品之制內官吏部尚書司徒左長史外官州有大中
正郡國有小中正皆掌選舉若吏部所用必下中正徵其人居
其父祖官名

宋文帝元嘉中限年三十而仕郡縣以六周而代刺史或入余
年及孝武即位仕者不復拘老幼守宰以三周為滿

南齊武帝永明元年三月詔曰宋德將李風軌陵遲列宰庶邦
弥失其序遷謝遄速公私彫弊泰運初基草昧未始思述充範
永隆治根蒞民之職一以小滿為限其有聲績克舉厚加甄異
理務無庸隨時代黜

和帝中興二年二月丙寅詔梁國初建宜須綜理可依舊選諸
要職悉依大朝之制梁王上表曰臣聞以言取士士飾其言以
行取人人竭其行所謂才生於世窮達惟時風流逐往馳驚成
俗媒孽夸衒利盡錐刀遂使官人之門肩摩轂擊豈直曝蓋露
冠不避寒暑遂乃戢屨杖策風雨必至良由鄉舉里選不師古
始稱肉度骨遺之管庫加以山河梁畢闕興滅之思金張許史
忘舊業之替吁可覆哉且夫譖謀訛誤詐偽多緒人物雅俗莫

肯留心是以賀襲良家即成冠族忘脩邊幅便為雅士負俗深
沉難遭寵擢墓木已拱方被徽榮故前世選官皆歷選簿應在
貫魚自有銓次曹籍升降行能臧否或素定懷抱得之餘論故
得簡通賓客無事掃門頃世道陵夷禮流乖失其有勇退志進
懷質抱真者選部或以未經朝謁難於進用或有晦善藏聲自
埋衡華又以名不素著絕其階緒必須畫刺投狀然後彈冠則
是駭迫廉撓獎成澆兢愚謂今自選曹宜精隱括依舊仍立簿
使冠於無爽名實不違庶人識塵埃造請自息且聞中間立格
里族以二十登仕後門以過立試吏求之愚懷抑有未達何者
設官分職惟才是務若八元立年居皂隸而見抑四方弱冠處
鼎族而宜甄是則世祿之家無意為善布衣之士肆心為惡豈

所以弘獎風流希向後進此實巨蠹尤宜刊革不然將使同人
有路傍之泣昔臣興漁獵之歎且俗長浮競人寡退情莫限歲
登朝必增年就官故貌實昏童籍已踰立滓穢名教於斯為甚
總司內外憂責是任朝政得失義不容隱伏願陛下庸聖淑之
姿降聽覽之末則彞倫自穆憲章惟允詔依表施行

梁武帝天監初無中正制年二十有五方得入仕其後又制凡
九流常選年未三十不通一經者不得為官若有才同其類勿
限年次至七年詔於州郡縣置州望郡宗鄉豪各一人專與搜
薦無復膏梁寒素之隔

普通七年詔凡州歲舉二人大郡一人

敬帝大平二年復令諸州各置中正仍舊訪舉選皆須中正押

上然後量授不然則不

徐勉天監初官名手有省置勉撰立選簿奏之有詔施用其制開九品為十八班

是貪。司進者以財貨取通守道。論退者以貧塞見沒矣。

陳依梁制凡年未三十不得入仕唯經學生策試得第諸州迎

主簿西曹佐奏及嘗為挽郎得未壯而仕諸郡唯正王為丹陽

尹經迎得出身者亦然庶姓尹則否有高才異行殊勲別降恩

旨叙用者不在常例凡選無定時隨缺則補官有清濁以昇降

從濁得清則勝於遷若有遷授吏部先為白牒列數人名尚書

與參掌者共署奏勅或可或否其可則下於選曹量貴賤別內

外隨才補用以黃紙錄名八座通署奏可乃出以付於典書其

名帖鶴頭板修容顰儀送所授之家其別帖鶴頭板修容顰儀

送所授之家其別發詔除者即宣付詔局草奏聞勅可黃紙寫

出門下門下各詔請付外施行又書可付選司行名得官者不
必皆待名到但聞詔出明白即入謝後詣尚書上省拜授若拜
三公則臨軒凡拜官皆在午後初武帝承侯景喪亂之後綱維
頽壞制度未立百官無復考校
殿最之法但更年序遷驟班進秩法無可稱
者後除陵孔與為吏部尚書有其序

永定二年詔曰梁時舊仕亂離播越始還朝廷多未銓序又起
兵已來軍勲甚衆選曹即條文武簿及即將應九流者量其所
擬於是隨材擢用者五十餘人後魏州郡皆有守正掌選舉每
以季月與吏部銓擇可不

文成和平三年詔曰朕承共緒統御萬國垂拱南面委政群司
欲緝治道以致寧一夫三代之隆莫不崇尚年齒今舉選之官
多不以次令班白處後晚進居先豈所謂彞倫攸叙者也諸曹

選補宜各先盡勞舊才能初崔浩為冀州相薦冀走相幽并五
州土數十人各起家為郡守景穆帝

謂浩曰先生召之人亦州郡選也在職已久勤勞未嘗令先補
先召外在郡縣以新召者代為郡吏又守令宰人使更事者浩
固爭而之遣高允聞之謂東宮博士管括曰崔公其不免乎
暹其非而校勝於上何以能濟又李孝白起郡人交曾理鄭氏
禮左氏春秋郡三辟功曹不就門人勸之曾曰功曹之職雖曰
卿遙高第猶是郡吏耳北面事人亦何容易任郡主簿到官月
余日事歎曰梁叔敬有云州郡之職徒勞人耳道之行身之
優也遂還家又郭作為部尚書持操潔清重惜官位至於銓
校假令得人必能悉又之然下筆即云此人便已貴矣由是事
頗為稽滯當時每招怨讐然所拔用者量才稱職時又以此稱
之其後中正所銓但在門第吏部彞倫乃不才舉

孝文大和元年八月詔工商皂隸各有厥分而有司縱監或染
清流自今戶內有上役者唯上本部丞已下准次而授若階籍
元勳以勞定國者不從此制

十六年七月詔曰王者設官分職垂拱責成振綱舉綱衆目斯

理朕德謝知人豈能一鑒見職從乖為君委授之義其議自今
選舉每以季月本曹與吏部銓簡

十九年十二月示品今為大選之始二十年三月詔諸州中正
各舉其鄉之茂望年五十已上守素衡門者授以長令

宣武正始二年四月詔曰任賢明治自昔通規宣風贊務實惟
多士而中正所銓但存門第吏部彞倫乃不才舉遂使英德罕
昇司務多滯不精厥選將何考陟也八座可審議往代貢士之
方擢賢之體必今才舉並申資望兼致

延昌元年十二月詔守宰為御史所彈遇赦免者及考在中第
皆代之

孝明熙平初尚書考功郎陽固奏諸秀孝中第者聽叙自固始也

元年八月詔庶族子弟年未十五不聽入仕是年尚書左丞盧
伺以朝政修飾人多竊冒軍功閱吏部勲書因加檢覈得竊階
者三百餘人同乃表言竊見吏部勲簿多皆改換中兵奏案並
復乖殊臣聊尔校練已得三百餘人明知隱而未露者動有千
數愚謂非雖恩免猶須刊定請遣一都令史與今僕省事各一
人總集吏部中兵二局勲簿對勾奏案若名級相應者於黃素
楷書大字俱件階數今本曹尚書以朱印印之

神龜元年正月詔以雜役之戶或冒入清流所在職人皆五人

相保無人任保者奪官還沒三年二月制武官得依資入選是

征西時軍與州大中正張彞之子中瑀上封事請武夫不使在
清品於是武夫怨怒羽村武賁千余人焚第毆傷彞殺其子始
均仲璫被創竄免詔斬其尤亮者八人余大赦以安之乃下此
制既而官員少應調者多選曹無以處之吏部尚書崔亮乃奏

為格制官不問愚賢以停解日月為斷雖復官須此人停日後者終不得取雖庸才下品年月久者則先擢用于時沈滯者皆顯其能
前廢帝普泰元年三月詔曰頃官方失序乃令沙汰定員簡棄已有叛決退下之徒微亦可愍諸在簡下者可特優一級皆授將軍預參選限隋能滿用

四月詔員外諫議大夫步兵校尉奉車都尉羽林監給事中貴射將軍奉朝請殿中將軍宮門僕射殿中司馬督治禮部十一官得俸而不給力老人外選者依常格其未老欲外選者聽解其七品已上朔望入朝若正員有闕隨才進補前員外簡退變階者追之稱事簡下者仍優一級

後廢帝中興元年十一月詔曰王度初開彛倫方始所班官秩不改舊章而無識之徒因茲僥倖謬增軍級虛名顯位皆言前朝所授理難擁抑自非嚴為條制無以防其偽竊諸有虛增官號為人發糾罪從軍法若人格檢覈無名者退為平民終身禁錮

北齊孝昭皇建二年詔內外執事官從五品以上三府主簿錄事參軍諸王文學侍御史廷尉三官尚書郎中中書舍人每三年之內名舉一人或夙在朝倫沉屈未用或先官後進今見停散或白屋之人巾褐未釋其高才良器允文允武理識深長幹其通濟操履凝峻學業寵瞻諸如此輩隨取一長無待兼資方允舉限表薦之文指論事實隨能量用必陳所堪不得高談謬加褒飾所舉之人指在一職三周之內有犯死罪以下刑平以上舉主准舉人之犯各罰其金白鞭以下舉主勿論若未經三

載而更轉通計後官日月合滿三周凡所舉人必主事立初禪
益時政不限年之遠近舉主之賞亦當非次被舉之人別當擢
授其違限不舉依式罰金又擁旄作鎮任總百城分符共理職
司千里凡部統理宜委悉刺史於所綰之內下郡太守縣令
丞尉府佐錄事參軍以降州官州都主簿以下但路在吏職及
前為官並白人等並聽表薦太守則曹掾以下及綰內之人亦
亦聽表舉其太守下州畿內上郡中郡並三年之內各舉一人
其不入品州並自餘郡守不在舉限

後周宣帝大成元年詔自刺史僚佐州吏則自署府官則命於
朝廷隋高祖開皇七年制工商不得入仕

十四年十一月制州縣佐史三年一代不得重任高祖以典吏

久居職肆為姦故有此制

十五年十二月詔文武官以西考交代又制百官不得計考增
級其功德行能有昭然乃擢之

煬帝大業八年詔曰頃自班朝聖人乃由叙技之行陣越自勇
夫蠹政害人實由於此自今已後諸授勳官者並不得因授文
武職事

唐制凡選始於孟冬終於季春

先將五月頒格於郡縣示人科限而集之初皆投於本郡或

故任所述罷免之由而上尚書省限十月至省乃考覈資卓郡
縣鄉里名籍父祖官名內外族姻年齒形幾優劣課取謹負形
犯必具焉以司流者五五為聯以王人為保一人為職皆刑名
結款不得有刑家之子工賈殊類及假名承偽昌升隆之徒應
選者有知詐冒而糾得三人以上者優以授之其試之日搜索
防授賴難譏察如禮部舉人之法也

其擇人有四事一曰身

取其體貌豐偉

二曰言

取其言詞辨正

三曰書

取其稽法道美

四曰判

取其文理優長

四事可取則先乎德行均以才均均以勞其六

品以降計資量勞而擬其官五品以上不試列名上中書門下制勅處分凡選始集而試觀其書判已銓察其身言已銓而注詢其便利而擬其官已注而昌示之不厭者得反通其辭也曰更其官而告之如初又不厭者亦如之三唱而不服聽令集服者以類相從攢之為申先簡僕射乃上門下省給事中讀之黃門侍郎省之侍中審之不審者皆得駁下既審然後上門下土者受二日而奉行焉各給以符而印其上謂之告身其文曰尚書吏部告身之印自出入之人至于公卿皆給之武官則受於兵部兵部武選亦然課試之法如舉人之制取其軀幹雄偉應對詳明有驍勇林藝及可為統帥者若文吏求為武選取其長

六尺以上籍年四十以下強勇可以統人者武夫求為文選取書判精工有理人之才而無殿犯者凡官已受成皆殿庭謝恩其黜中嶺南閩中郡縣之官不由吏部以京官五品以上一人充使就補御史一人監之四歲一往謂之南選凡居官以年為考六品以下四考為滿

太宗貞觀元年正月侍中攝吏部尚書杜如晦上言曰比吏部擇人唯取言辭刀筆不悉景行數年之後惡跡始彰雖加刑戮而有姓已受其弊上曰如何可以得人如晦對曰兩漢取人皆行著州閭然後入用今每年選集向數千人厚貌飾詞不可知悉選司但配其階品而已所以不能得才魏徵亦曰知人之事自古為難故考績黜陟察其善惡今欲求人必須審訪才行無

美始可任用上將依古法令本州辟召會功臣將行世封其事
遂止一年正月吏部侍郎劉林甫以隋代赴選者以冬一月為
始至春而畢選限既促選司多不究悉時赴選漸衆林甫請四
時聽選隨到注擬當時甚以為便

十六年七月太宗謂褚遂良曰公等為朕搜訪賢德以輔儲宮
爰及諸王威求正士且事人歲久即分義情深非意闕闕多由
此作其王府官寮且限以四考

十九年十一月吏部尚書馬周以吏部四時提衡畧無休暇奏
請所由文解十月一日赴省三月三十日畢

高宗顯慶二年黃門侍郎知吏部選事劉祥道上疏曰今選司
取士傷多且濫每年入流數過一千四百人是傷多也雜色人

流不知銓簡是傷濫也古之選者為官擇人不聞取人多而官
員少也今官員有數入流無限以有數供無限遂令九流繁總
人隨歲積謹約准所湏入量支年別入流者今内外文武官一
品以下九品以上一萬三千四百六十五員略舉大數一萬千
人壯室而仕耳順而退取其中數不過有三十年此則一萬四
千三十年而略盡若年別入流者五百人三十年便得一萬五
千之外在官者猶多此便有餘不慮其少今年當入流者遂逾一
千四百計應項數外常餘兩倍又常選者仍停六七千人更復
年別新加實非處置之法望請釐革稍清其選中書令杜正倫
亦言入流者多為政之弊公卿已下憚於改作事竟不行

總章二年司列少常伯裴行儉以承平既久選人漸多始設長名姓曆榜引銓注等法又定州縣昇降官資高下以為故事其後莫能革

三年十月勅司戎諸色考滿入選司列諸色考滿入流人並兼試一經一史然後授官咸亨三年正月許雍洛二州人任本部上元三年八月詔桂廣交黔等州都督府比來所奏擬土人任官揀擇未甚得所宜准舊例至應選補時差內外官五品已上清正官充使選補仍令御史同往注擬其有應任官五品已上官者奏取處分

開耀元年四月十一日勅吏部兵部選人漸多及其銓量十數六七既疲於來往又虛費資量宜付尚書省集京官九品以上詳議崇文館直學士崔融義曰今皇家兩曹妙選三官備設收其梓杞擧其蕭糧其有狀犯贓私罪當懲貶者此等既未合得狀望許同選例限以歲年諸色入流每年參選資品未著伎藝未工此等亦望所同選例錄以選勞又選人每年長名當至正月半後伏望速加銓簡促以程期因其物情亦何疲於來往順其人欲亦何費於資糧又所銓簡以德行為上功業次之折衷之方庶幾此道尚書右僕射劉仁軌奏曰謹詳衆議條目雖廣其大略不越數途多欲使常選之流及負譴之類遞立年限如不令赴集便是擁自新之路塞取俊之門或請增置具僚廣授官之數加習藝業峻入任之科亦恐非引獎之通規乖省員之茂蜀徒云變更實恐紛擾但昇平日久人物滋殖解巾從事抑有

多人頃歲已來據員多闕臨時雖有權攝終是不能總備望請尚書侍郎依員補足高班卑品准式分銓則畱放速了限速則公私無滯應選者暫集遠近無聚糧之勞合退者早歸京師無索米之弊既循舊軌且順人情如更有不便隨事釐革其殿員及初選其選踐自知未合得官等色情愿不集即同選勞曹司商量久長安穩融又議選事曰關外諸州道理迢遞河洛之邑天地之中伏望詔東西二曹兩都分簡畱放既畢同赴京師則天天冊萬歲元年十月二十二日勅品藻人物銓綜士流委之選曹責成斯在且人無求備用匪一途理才並昇輪轅兼採或收其履歷或取其學行糊名考判立格注官既幸委任之方頗異銓衡之術朕勵精思化久席求賢必使草澤無遺方圓曲盡改弦易調革故鼎新載想緝熙之崇式停清通之効其常選人自今已後宜委所司依常例銓注其糊名人試及令學士考判宜停

萬歲通天元年八月制文武官加階應入五品者並須出身歷十二考已上無私犯進階之時見居六品官及七品已上清官者其應入三品者取出身二十五考已上亦無私犯進階之時見居四品官者自外縱計階應入並不在進限如有奇材異術別効殊功者不拘此例

神功元年十月勅選司抑塞者不須請不理狀任經御史臺論告不得取於餘司喧訴者凌突選司非理喧悖者注簿量殿尤甚者仍於省門集選人決三十仍殿五六選

其年閏十月二十五日勅入寺丞又寺主簿三監丞簿城門符
寶郎通事舍人大理司直評事左右衛千牛衛金吾衛左右率
府羽林衛長史直長太子通事舍人親王掾屬判司衆軍京兆
河南大守半司赤城簿尉御史臺主簿校書正字詹事主簿協
律奉禮大祝等出身入仕既有殊途望秩常班須從甄異其有
從流外及視品官出身者不得任前件官其中書主書門下錄
事尚書都事七品官中亦為緊要一例不許頗乖勸獎其考詞
有清幹景行吏用文理者選日簡擇取歷十六年已上者聽量
擬左右金吾長吏及寺監丞

聖曆元年二月二十五日勅選人無故三試三注唱不到者不
在銓試重注之例其過門下三引不過者亦不在更注之限其
日又勅文武選人檢日曆不獲者宜牒中書門下為校如又不
獲若在曹有官甲前後相銜可明者亦聽為叙

三年正月三十日勅監察御史左右拾遺赤縣尉主簿大理評
事兩畿縣丞主簿尉經三任已上及內外官經三任十考以上
不改舊品者選叙曰各聽量隔品處分餘官必須以次授任不
得超越

大足元年正月十五日勅選人應番不須要論考第若諸事相
似即先書上考必書判遠落又無善狀者雖帶上考亦宜量放
七月二十九日勅柱廣泉建連賀福詔等州縣既是好處所有
闕宜依選例省補

中宗神龍元年李嶠常嗣立同居選部引用權勢求取聲望因

請置員外官一千餘員由是僥倖者趨進其員外官悉恃形勢與正官爭事有司紛競至有相歐擊者及嶠復入相乃深悟失又見朝野喧議上疏曰自寶命中興鴻恩博及唯以爵賞為惠不擇才能任官授級加階朝廷夕改正闕不足加以員外非復求賢助理多是為人擇官接武宥填曹溢府無益政化虛請俸祿在京則府庫之殫竭其外則黎庶被其侵漁伏願徵惜班榮稍減除授使匪服之議不興於聖朝能官之謠復光於曩載疏奏上乃詔減員外官不令釐務也

新刊監本冊府元龜卷之六百二十九

新刊監本冊府元龜卷之六百三十

銓選部

條制第二

唐玄宗開元二年三月勅諸色出身人銓試訖應常選者常年色各為一甲團奏給告牒過百人已上分不滿五人附入甲其月二十八日勅繁劇司闕官有灼然要籍者聽牒選司於應得官人內據財用資歷相當者先補擬

五月詔曰今歲諸州多非善軌爰及京師每勞轉運員外等官人數倍廣祿俸之輦何以克周諸色員外試檢校官除皇親諸親及五品已上并戰陣要籍內侍省以外一切總停至冬於選量狀迹書判典正員外官其未經考者先與處分仍不拘遷格

聽集自己後除戰功以外非別勅不得輒誰擬員外等官

十一月詔曰新豐縣官及溫泉監官經兩度祗承者與一中上考三年正月五日詔內外官考未滿所司預補替名為守闕特宜禁斷後有關所由未不得令上

六月八日勅吏部銓委任尤重北雖守職務在循常既限之以選勞或失於求士宜選日月擢一二十人不須限以資次

四年四月詔曰選人既多比銓注過謝了皆不及考遂使每一年選即虛破一年闕在於公私俱不利便自今已後官上初上年宜聽通計年已未滿二百日者許其成考仍准零考例至來年考時併校永為常式

六月十九日勅六品已下官令所司補授其員外郎御史并餘供奉宜奉宜進名勅授

七月勅如聞聆州管內州縣官員多闕吏部補人多不肯去成官已後或假解或從正考滿得資更別參選自餘官蠻僚州大率亦皆如此宜令所司於諸色選人內即召補並馳驛發遣至州令都府勘到日申所如遲違牒管內都督史六十追毀告身更不須與官

九月十二日勅諸色選人納紙保後五日內其保職官各於當司具名品并所在人州貫頭御都為一牒報選司若有偽濫先用闕然後准式處分

十二月詔曰比來兩畿縣令經一兩考即改其行苟且罕在朝要百姓獎於迎送典吏因而隱欺自今已後皆令四考滿滿日

聽依京官例選仍不得輒續於前勞

六年二月詔曰我國家敦朴質斷浮艷禮樂詩書是引文德綺羅珠翠深革弊風必使情見於詞不用言浮於行比來選人試判舉人對策剖析案牘敷陳奏議多不切事宜廣張華飭何大雅之不足而小能之是銜自今已後不得更然

八月詔曰明經進階雖著於甲令儒道敦俗宜申於舊章其選人有能仕優則學所業不廢者當在甄收以示勸獎其能舊經外更業者准初出身例加階是月嶺南及黔中舉選人曹如文解每限五月三十日到省八月三十日內檢勘使了選使及選人限十月三十日到選所正月三十日內銓注使畢及嶺南選補使宜移柱州安置

九月二十七日勅應南州每府同一解嶺北州及黔府管內州每府同一解各令所管勘責出身由歷選數考課優劣等叙作書先申省省司勘應選人曹名考第一事已上明造曆予選使與本司對勘定訖便結階定品署印牒付選使其每至選時皆須先定所擬官使司圍奏後所司理覆同但憑進書應給籤告所司為寫限使奏勅到六十日為寫了差專使送付點柱等州州司送本州府分付

九年十月勅如聞朝官子弟未曾經曆即生要司及京畿并州縣理人官或侍郎受財追進怠惰或咨行決罰妄作姦非刑憲不可偏矜父兄莫能訓導苟陷於法良軫子懷宜令本司及州府長官按實驗察有此色并少年未諳時事可移與閑慢官

十一年十五日勅要官兒子少年未經事者不得作縣官親人
十二年三月詔文武選人十月下解既逼銓注勘檢難固不能
自親并委猾吏恣成姦濫為蠹尤深自今已後兵吏兩司專定
員外兩人判南曹事每年選畢起五月一日所是文狀即預勘
責關檢判南曹官親自就覆色摺作簿書對本司長官連署印
記不得委其胥吏勘責畢各具人數奏聞其判南曹官所司即
進名朕自簡擇以陳希烈席預判吏南曹劉同升源復判兵部
南曹

其子太子左庶子吳兢上表諫曰臣聞易稱君子思不出其位
言各止其所不侵官也此實百王準的伏見勅二日刑部尚書
常抗等十人分掌吏部銓選及試判將畢遽召入禁中決定雖
有吏部尚書及侍郎皆不得參其事議者皆以陛下曲受謬言
不信於有司也然則居上臨人之道經邦締俗之規必在推誠
方能感物抑又聞欲用天下之智力者莫若使天下信之也故
漢光武置赤心於人腹良有旨哉昔魏明帝尚卒至尚書省尚
書令陳矯跪問曰陛下欲何之帝曰欲按下省司文簿矯曰此
自臣之職分非陛下所宜臨若臣不稱職則宜就黜退陛下宜
即還宮帝慙迴車而反又陳平丙告者漢家之宰相耳尚不對
錢穀之數不問鬪死之人故知自天子至于卿士守其職分而
不可輒有侵越也况我大唐萬乘之君卓絕千古之上豈得下
行選曹之事頓取怪於朝野乎凡是選人書判並請委之有司
仍停此十銓分選依舊以三銓為定

十四年十一月二十五日勅比來所擬法官多不慎擇或以資授未適才宜令吏部每年先於選人內精加簡試灼然明閑法理者留擬其評事已上仍令大理長官相知簡擇並不得授非其人

十五年九月勅今年吏部選人宜依例糊名試判臨時考等第奏聞

十六年五月十日勅諸凡應授內外文武官及番宿衛長者上共為一甲其放還蕃者別為一甲仍具形狀年幾同為一奏

十七年三月詔曰邊遠官多有老弱宜令吏部每年於選人內揀擇強幹堪邊任者隨闕補授秩滿量減三兩選與留仍加優獎是日詔曰諸州都督刺史上佐等官員闕非安穩者所授官

在任經一考已上宜量與改轉

十八年四月侍中裴光庭以選人既有常限或有出身三十餘年而不獲祿者復作循資格定為限域凡官罷滿以若干選而集各有差等卑官多選高官少選賢愚一貫必合乎格者乃得銓授自下昇上限年躡級不得踰越久淹不收者皆荷之謂之

聖書雖小有常規而求財之方失矣

此起於後魏崔亮停年之制也

其有異

才高行聽擢不次然有其制而無其事有司但守文奉式循欲壓例而已

正月十五日勅附甲授官無關者却牒中書門下改擬

十九年四月二十六日勅應授官校考叙功累勲有失者門下省詳覆有憑即為改注

十二月詔曰設官分職本資共理無隔中外更遞出入比者考官計年除改緣其任久量與遷移遂長僥求爭次入考所司情故公然遣來若更因循有損風化今年考使事了並勒還州必政理著聞當別有處分其年齒衰暮疾疢懸積無別憊違者宜聽致仕

二十年正月二十二日吏部尚書裴光庭奏文武選人承前三月十五日始畢比團甲已至夏末自今已後並正月三十日內團甲至二月內畢

六月二十八日蕭嵩奏吏部選人請准舊例至三月三十日團甲畢

二十一年六月二十八日詔曰古者諸侯舉士必本乎鄉曲府庾署吏亦先於能行所以人自束脩官無敗政及乎魏承漢弊權立九品今之吏部用是因循人仕侵多為法轉密然於濟里求才未聞深識持衡取事徒立煩文朕寤寐永懷每以惻悵夫琴瑟不調者改而更張法令不便者義復何異頃者有司限數及拘守循資遂令銓衡不得探拔天下賢俊出滯頗多凡人三十始可出身四十乃得從事更造格限分品為差若如所制之文六十尚不離一尉有才能者始得如此稍敦朴者遂以終身由是取人豈為明怒自今已後選人每年總令赴集仍舊以三月三十日為限其中有才優業異操行可明者一委吏部臨時擢用貴於取實何限常科雖遠郡下寮名迹稍著亦須甄拔令其勸勉俾人思為善之利俗知進取之途朕所責成實在吏部

可舉其大畧令有所依此者流外奏申乃引過門下簿書堆盈於瑣闥使填委於掖垣豈是事宜過為煩自今已後亦宜仍舊

先是裴光庭為吏制循資格光庭薨蕭嵩為中書今與光庭不協以資格取士不廣故奏改之

二十四年十二月二十四日詔王子未出閣侍讀侍講及侍書並取見任官充經三周年放選與處分習藝館諸色內教通取前資及常選人充經二年已上選日各於本色量減兩選與處分左右衛三衛及五品上子孫經七年雜衛三衛經八年勳官經年年並放選與處分

天寶二年十一月十六日勅諸州醫學生等宜隨貢舉人例申省補署拾年與散官恐年歲深久檢勘無憑仍同流外附甲八載六月十六日勅有授官宜侍攢符

九載三月十二日勅吏部取人必限書判且文學改事本自異科求備一人百中無一况古來良宰豈必文人又限循資尤難獎擢自今已後簡縣令但才堪政理方圓取人不得限以書判及循資格注擬諸畿望緊上中每等為一甲委中門下察問選擇堪者然後奏授大理評事其朝要子弟中庸未歷望畿縣便授此官既不守文又未經事自今已後有此色及朝要至親並不得注擬

十一載七月詔曰政理之源實惟選士銓綜之道必在至公比來文武選人調集者及於番放未日引通或甄別匪周或紀綱不一以資取捨詎免流言須議事以制法亦因時而革弊自今已後吏部選人宜審定格限班示令集銓之日各量官資書判

狀迹功優據闕合番對衆便定豈惟免淹時日抑亦共表公平見
收者既無濫升被收者固當歛分則自近及遠以絕倖求其有
宏詞博學或書判特優超越流輩者不得限以選數聽集其武
部選人試日校等第功優亦對衆便從番放仍求為常式並作
條件處分

是月勅吏部選人書判藍縷及雜犯不合得番者不限選數並
放除此之內先從選深人一既並番其選深被放人選淺得番
名且番放逗番榜示選人各令知委仍以單狀奏聞不須更起
條目

十二月二日吏部尚書楊國忠奏請兩京選人集銓日便定番
放無長名遂詔文部選人調集者宜審定限格令集銓日量官

資書判狀跡功優據闕合番對衆便是

十三載三月二十八日勅為授官取蜀郡大麻紙一張寫告身
七月十七日勅如聞嶺南州縣近來頗習文儒自今已後其嶺
南五府管內白身有詞藻可稱者每至選補時任令應諸色鄉
舉仍委出使准考試有堪及第者具狀聞奏如有願赴京者亦
聽其前資官并常選人等有詞理兼通才堪理務者亦任此選
其授此官

肅宗至德二年二月詔其刺史上佐錄事參軍縣令委中書門
下速於諸色人中精加擇補擬判司丞已下宜令所由先於兩
京潛藏不事逆賊及固托疾病官中簡擇考資深才堪者銓注
續發遣

乾元二年三月景辰詔自來諸州府多有奏請官者或先無闕員所司雜授搜即與替深紊紀綱自今已後州縣官有灼然衰暮暗弱無政及犯贓私切須與替者仰具事由聞奏如緣軍州文要官吏部任擇簡并具闕由聞奏所奏人皆須具歷任考第甲授日月同奏

三年閏四月詔設官以理本在安人遞遷之政務於利物今寰瀛之內兵革未清加以時或不登物皆踴責軍儲是急廩稍靡供冗官之流固甚勞弊其京閑司官等有材堪釐務者宜令中書門下即類例量賢歷出授外官

代宗寶應二年七月制刺史縣令自今已後改轉刺史二年為限縣令四年為限員外及攝試官一切不得釐豫

廣德元年二月勅諸州府及縣令今後每有闕官宜委本州府常日牒報本道觀察節度及祖庸使使司由闕由附便使牒中書門下送吏部依闕准式處分其所闕官有職務稍重者委本府長官於見任其比司官中間擇權令勾當正官到日停不得更差前資及白身等攝吏部及制勅所授官委中書門下及吏部甲制勅出後三日內下本州准令式計程水一月不到任本州報中書門下吏部用闕如灼然事故准勅勒畱不在此限其違程人六品已下本色內殿一兩選許同會闕不成人例五品已上停一二年其殿選人諸州諸使不得奏用

二年二月制臺省之官事資履歷刺史縣令任在親人職務所更是為理本其左右丞侍郎御史中丞等取會任刺史者即官

亦取曾任縣令者并所選御史亦宜於錄事參軍縣令中簡擇
仍須資歷稍深者其有官非累歷才行特堪任用者自布衣已
上任所在聞薦委中書門下尚書省考試堪任者不在此限其
天下諸州府長官及縣令有清白著聞善政稱最能招緝逃亡
編附復業戶口增多者具狀聞奏朕當差人按覆與所舉狀同
者資進改又諸州府授官違程不到任六品已下各於本色內
殿一兩選同會闕不及例處正五品已上停一二年與處分
三月詔中書門下及兩人五品已上尚書省四品已上御史臺
五品已上諸同正員三品已下諸王駙馬中要周蕃上親及女
婿外甥不得任京兆府判司畿令赤縣丞簿尉從京兆尹魏少
游所請

永泰元年七月詔不許有姓任本貫州縣官及本員隣縣官京
兆河南府不在此限

大歷元年二月月詔許吏部選人自相舉如任官有犯坐舉主
從吏部侍郎王延昌所請

四年正月吏部以選士多闕員外請用授官計上日成三考闕
許之

六年七月十四日宰臣奏請自今已後勅授文武六品已下官
勅自後付兵吏部附甲團奏

十二年六月勅見任中書門下兩省五品已上尚書省三品已
上子孫合授官者一切擬京官不得擬州縣官

德宗大歷十四年五月癸亥即位六月己亥朔德宗御丹鳳樓

大赦天下諸州刺史上佐自今已後准式入計

建中元年正月制常參官及節度觀察防禦軍使都知兵馬使
刺史少尹赤令畿今及大理司直評事授訖三日內於四方館
上表讓一人自代其外官委長吏附送其表付中書門下每官
闕以舉多者授之其月勅大理法官及大常理官宜委吏部每
至選時簡擇才識相當者與本司商注擬

二年七月闕捕為給事中舊例諸司甲庫皆是胥吏掌知為弊
頗久捕始定擬並以士人知之至今稱當興元元年六月詔應
去冬奉天行在給勅牒授官人等並令中書門下檢勘牒及憑
據分明即與依授官月日進書已後檢官日並書日為定不得
用所行下月日

十一月詔軍衛及率府五品已上正員武官得替及以理去任

者宜令兵部准五品已上天官例每年作格限條件聞奏朕當

是年勅吏部侍郎劉滋知洪州選事

時京師寇盜之後天下惶
早穀價湧貴選人不能赴

調乃命滋江南典選以便
江嶺之人時時稱舉識

十一月領南選補史右司郎中獨恂

奏狀奉建中四月九月一日勅選補條件所注擬官便給牒放

上至上都付吏部團奏給告身勅一日准式處分

貞元元年三月勅宜令清資常參官每年於吏部選人中各舉
一人堪任縣令錄事參軍者所司依資注擬便於甲歷具所舉
官名銜仍牒報御史臺如到任理政尤異及無贓犯事跡明著
所司錄舉官名姓聞奏當議褒貶仍長名後二十日內舉畢仍
永為長式

七月吏部奏選人淹滯多時理須權宜發遣請量取建中四年授官至今計日成考三闕注擬其授替人皆於常例稍屈宜量事優當委所司選限畢後具所用闕人名銜聞奏至選日各減一選

二年正月詔曰叅官及節度觀察防禦軍使城使兵馬使諸州刺史少尹赤令畿令并七品已下清官及大理司直評事等須者令內外新授官人三日內上表舉一人自代欲於中選中堪者任用比來所舉少撫實殊乖素求求才之意自今已後每舉人皆令指陳其承前事跡如有政能行義藝業勞效多分折言之

二月京兆尹鮑防奏咸縣令賈全是臣親外甥伏惟廣德二年三月十一日勅中書門下及兩省五品已上尚書省四品已上諸司正員三品已上諸王附馬等固菴已上親及女婿外甥等自今已後不得任京兆府判司及畿縣令兩京縣丞簿尉等者詔曰功勞近臣至親子弟既處繁劇或招過犯宥宥則撓法耻青則虧恩不令守官誠為至當賈全等十人昨緣畿內凋殘親自選擇事非常制不令避嫌

三月吏部奏劇准令今年二月十三日勅除臺省常叅官餘六品已下並准舊例部付本司處分者其六品已下選人中有人才書判無關相當承前准格皆送中書門下又立功狀奏請要有褒揚等令並委本司注擬即不同常格選人若無關相當一今待續闕事即停滯必招喧訴應緣功狀及非時與官合授

正員額內并選限內無關注擬者伏請量事計日用成三考闕
如臨時人數稍多注擬不足灼然湏處置發遣即請兼用兩考
已上得資闕并量人才資序注擬訖准勅送中書門下詳定可
否其品已下有官資稍高合入五品縱非五品亦請依前送名
勅二日兩考闕不在用限其三考闕如非當年准格令用除別
勅授官人外亦不在用限如關員不足選人事湏處分者臨時
奏聽進止餘依二月勅實錄不載

其月又勅五品准式不合選補使注擬宜付吏部檢堪訖送中
書門下其據資叙却合授六品已下官任更處分
五月吏部奏准伏負元元年七月二十五日勅州諸府及京五
品已上官停使下即官御史等宜付所司作條件聞奏省緣諸

色功優非時授官闕員稍多請作節限許集上州刺史兩府少
尹四赤令停替後許一月日於都省陳牒納文狀畢檢堪同具
由歷每至月終送名中書門下仍請不試大源河中鳳翔江陵
成都興元府少尹赤令及原兆鵠赤令中下州刺史諸使下停
減即官御史等停官當年並聽集六品已下常參官以理去任
者當年聽集宜員官京兆府先申中書門下省檢堪未成失文
曆者其中先東西在遠不及選集並請依後許合集人限所在
陳牒隨例赴集選人有明經進士道舉明法出身無出身人有
經制舉宏詞拔萃及第判入等清白狀陟狀并曾有上下考校
奏成及考義名聞制及勅褒獎者或曾任即官御史起居補闕
拾遺大常博士兩府畿赤官使下即官觀察使節度都團練防

禦度支水陸運監鐵使番守判官支使推官書記等制勅分明
貞元元年十二月已前離任者一切聽集併六府少尹鵠赤令
並不在試例應未及一考已下被替丁憂服滿廢省患解侍親
解并隔絕不止州府縣昇降等官並聽當年集錄未得資望准
六品已下選人例所試狀縱入下等望臨時據人材定畱放其
違程上人經免殿者聽集仍却還本道本色官應准格未合集
人其中有文詞博瞻學術精通灼然為衆所知亦任於所在州
府程狀本州長官精加選擇堪獎拔者具解由送依例赴集至
省審考覈有才實相副別狀送名如有渝濫其本州署申解牒
本判官量事科罰四品五品官中庸衰疾情願任致仕官者但
是正員不限考數任於所在州府陳牒依合集人狀樣通由歷
准前送本道觀察使上有不用身到禮部附學官先及第人黃
關吏部者並聽集准例試狀定畱放應集合試官並望准舊例
狀一道仍准建中二年格例及大曆十二年六月制請條委在
右僕射兵部尚書侍郎同考試其狀考入上資等具名所試狀
依限送中書門下其考入下等者任還 七月復置吏部小選

七月詔實錄不載

三年十一月二日勅嶺南黔中選舊例補注訖給牒放上其俸
除手力紙筆團厨雜給之外並待奏申勅到後據上日給付其
福建選補使宜停其柱黃泉建賀福韶等州宜依選例省補
四年正月一日詔額內官勿更注擬見任者三考勒停諸道幕
府判官及軍將比奏改轉例多超日應從散慢入清望官者並

折資處分

八月吏部奏伏以艱難已來年月積久兩都士庶散在遠方三庫勅甲又經伏墜因此人多罔冒吏或詐欺分見官者謂之孽名承已死者謂之接脚乃至制勅旨甲皆被改竄毀裂如此之色其類頗多比來因循遂便滋長所以選集加衆真偽混然實資檢清用甄涇渭謹具由曆狀樣如前伏望委諸州府縣於界於應有出身以上便令依擬通狀限勅牒到一月日畢務令盡出不得遺滿其勅請令度友急遽送付州府州司待納狀畢以州印印狀尾未縫相連星夜送觀察使使司定判官一人專使勾當都封印羗官給驛遞驢送省至上都五百里內十二月上旬到千里外中庸到每遠校一千里外即加一旬雖百千里外

一切正月下旬到盡黔中嶺南應不合比選人不納文狀限其狀直送吏部曹不用都司發人到日所司勘會即姦為必露免即可明如須盤問即下所住州府責狀其隱兩未盡及在遠不及期限者亦任續通依前觀察使與送所在勘了必有灼然踰見濫事跡者明者據輕重非條件商量為奏庶稍澄流品永息踰濫勅二日依奏

五年十二月十六日勅除常叅官及諸使判官等餘並附所司申其兵部選人亦准此

六年二月詔吏部續番選人新授官者至來年二月之任初吏部侍郎劉滋李紆以去冬選人無缺員乃奏請代貞元年五授官計日成考者二百五十員令至今年八月之任議者非之於

是諫議大夫韓章抗疏曰竊見去年選授官者多以六月七日方至任所扶老携幼不遠數千里以就一官到終經年遂見停替又見在番中人多有注貞元四年闕者准格至來年正月赴上其續番人注五年闕者遽以今年八月便上一等用闕一等授官五年闕者授替在前四年闕者准格上仍在後事交非允可矜今制命已行難於改易其所授官人請令至來年二月上赴從之

八年二月戶部侍郎盧徵奏內官外應直京百司及禁軍并因親勒番官等若勅出便帶職事及勒番京官即合以出為上日外官以勅到為上日如今司未經奏聞即合同赴任者例准貞元六年二月二十四日勅待甲出後省符到任日支給俸料者

若甲出未帶勒番官簽符先不州府支替理例未免喧爭伏律人今已後並須挾名勒番勅到任方為上日支給科錢其附甲官有給脚依前勒番直諸司者侍附甲後簽符到州為上日文給課料莫塞僥求庶絕論訢勅旨宜依

是年中書侍郎平章事陸贄始復令吏部每年集選人舊事吏部常年集人人其後遂三數年一置選人猥至文書多不可尋勘直為紛雜及因大為奸巧選士一蹉跌或三十年不得官而官之闕者或累歲無人贄乃令吏部分內外官只為三分計闕集人年以為常其弊十去七八天下稱之

九年七月以縣令四考為限無替者宜至五考十一月制以冬薦官耳令諸司尚書左右承本司侍郎引於都

堂訪以理術兼試時務狀考其通否及歷考任第事跡定為三等并舉王名姓錄奏仍令御史一人監試如收官有課効尤著及犯贓不任者仍委御史臺及觀訪史聞奏以殿取舉使十二月制自令後應諸色使行軍司馬判官書寫衆謀支使推官等使罷者如是檢校試五品已下不合於吏部選集並任准罷使即官御史例冬集季聞奏

十年二月邢部奏准建中元年正月十七日勅諸州府五品已上正員及額內上佐宜四考停其左降官不在比限者五品已下左降官既不許停祿料六品已下未復資已經四考亦量移間其祿料伏望亦許准給勅旨祿料宜准天寶六載七月十四日敕處分餘依常式十一年五月左降官于郡劉敷等並量移授官

故事量移六品已下官皆吏部旨授至是始制授之

十三年三月詔於吏部選人中簡擇通事舍人

十四年八月故擇縣主婿檢校右贊善大夫竇克構伏言臣頃以國親超授寵祿及縣主薨逝臣官遂停臣陪臣出身亦檢校校官日自有本官伏乞宣付所司許取前銜婺州司戶參軍隨例調選詔竇克構宜令赴選仍委有司以類前任正員官依資注擬自今已後郡縣主壻丁憂外有曾任正員官停校官俸料旨亦准此處其餘先是兼試同正員等不在選中序停檢校官俸料任便赴集有司據檢校官量降三資與止員元無官與解褐正員官

十五年六月詔吏部奏選人依前三月三十日已前團奏畢其

流外兵部禮部舉人等專委郎官恐不詳審共為取捨逼表公
手每至留放之時皆就尚書侍郎對定既上下檢察庶在得人
十六年十二月罷吏部覆考判官先是每歲吏部選人試判別
奏官考覆第其上下考訖中書門下覆奏擇宜以定侵以為例
至是中庸侍郎平章事齊抗奏言吏部尚書侍郎已朝廷精選
不宜別考重覆其年他官考判訖吏部侍郎自覆問後一歲遂
除考判官蓋因抗所建白也

新刊監本冊府元龜卷之六百三十



